


湖南苗防屯政考

遠山
1932
4



門 4
編 1332
卷 4



湖南苗防屯政考卷三

二品銜前署湖南辰永沅靖道但湘良纂
征服上

康熙二十四年平苗記

護監軍道
辰州知府劉應中

康熙二十四年紅苗出劫常德衛轄之鎮溪所魚梁坳防弁領兵
深入伏苗四起陷於巢者守備把總三人兵丁七十餘人及隨行
邊民數十人百計要挾協鎮郭忠孝守備陳赤徐三奇張其蘊往
援副將靳起功參將趙文實遊擊王子明守備胡奇劉旭領長沙
常德各協及承保兩土司兵相繼進沿邊三岔等二十五寨及近
逆苗之排那等十三寨爭先納款惟巨憇恃險奔突忠孝於十月

清江府志卷三
初進兵苗踞地良坡布列滾木壘石諸弁分途攻取由火麻營進陽衝關破清水塘抵地良坡後路文實奪歐陽坡由山梁進攻子明奪新店坡出地良寨進攻忠孝身先將士自己至申夾攻奪地良坡抵爆木營下寨斬逆苗二千有奇獲弩刀鎗牌無算越旬日苗首吳二過吳老叟領黨千餘攢據高險官兵困其四面凡四晝夜追至東衝茨岳擊殺百餘生擒吳老覽等大吏檄委應中駐劄沅州督餉苗地嵐霧昏晦尋丈外不辨鬚眉瀘溪城下有小河西通乾州餉運易達然僅容數石之舟又值冬涸牽挽不前遴委土弁沿河鼓勵令居民填塞河壩截水歸河復覓石工鑿石以通舟而大兵已深入苗巢陸運更遠乃易爲安塘遞運之法於上麻衝

設立腰站偏近地良坡弁兵防護山頂則鎮筸協中營單國統兵之營在焉自乾州十里至灣溪又五里至筸子哨又三里許卽副將李應龍營再十五里至上麻衝又二十八里至爆木營乃大營也其自乾州至上麻衝山徑頗平及越上麻衝登地良坡愈行愈峻跨山越嶺始達筸子哨酌其遠近險易安設人夫巡檢等官督押每運米人止三斗撥兵押送逐塘交替其初運道過筸子坪溪河復寬深用船挽渡穿溪十餘里始至上麻衝春初雪消溪漲運夫跋涉爲艱欲徧駕橋梁爲力甚大應中往勘詢之寨老筸哨之右四公壩有路直通上麻衝乃舊運糧道堙塌已久且數里許有所謂密潭者石壁陡立乃召石工鑿孔架木爲梯有平路上行數

里泡水在前斬木駕橋直至上麻衝以篔子哨汛塘移於此路之舊司坪而糧可刻期至矣時苗眾復聚革多斂雞齊把角等處二十九年正月忠孝會商各營雪夜抵排那分兩路進發味爽至其地凶苗衝殺諸將奮斬二百餘級生擒石老蟲等抵天星寨寨最高險生苗巢穴也官兵遂於對山列礮環打分兵扼要斷其後路寨上砍木爲城有糧有水或窆窟以避礮或泥屋以防火其點若此二月十五日夜苗衝我營計欲奔逃堵截嚴密不得出斬殺滾跌死者不可勝數忠孝宣諭就撫苗稱必俟監軍道到寨方爲憑信應中遂由乾州啟行自乾州西南行十五里至篔子哨又東北行徑上麻衝中麻衝火麻營計二十里至地良坡其山自上視

下其頂平然自坡仰視則兀然直上也登者手足並行如蟻緣壁將三里許復折而左繞山腰一綫羊腸亦三里許絕壁千仞下臨深谷石路如鋸齒雪濕泥滑稍一失足卽殞於無窮之壑過此稍坦斜行二里許方至頂則又是一重山矣四望峯巒向背千態萬狀坡上有塘可種菽麥緣山而過越四五大山而抵爆木營自地良坡至此約十餘里其地形如鍋底東西闊三四里南北長五六里中有大魚塘數口漢土各老營南北分布四圍木城中接市肆恍若城鎮適忠孝來迎次日同往天星寨山徑上下如登天入地險不容馬徒走僂僂扶攜而前迴合迷冥不知東西過五六山徑八斤臭矢等寨止存空茅舍蓋糾合於天星寨中也一路土黑而

肥諸苗倚以爲生至寨計十里東西兩山對峙下有小澗曲折奔流漢土各大營列於東山上與天星高相若聲響相應隘口復列十餘營卽二月中旬苗乘夜衝突被衄處也寨西復設數營斷其後然山澗幽深昏窈如在葫蘆谷中灌莽叢集蛇蟲肆毒雖防守軍士土番面上黃腫如痴者十之四五東山有平土可以越歷其西則大山簇擁繚邈若風濤起伏深菁茂林一望如墨惟天星一寨孤峯獨聳下石上土掘地有泉不絕相傳昔有某總兵征圍年餘苗擲數十斤巨鯉於下以示有水理或然也山頂空平可容數千家廬舍參差宛在目中山身四面如削莫可攀緣惟近北之處稍有層級可梯而登乃令土哨官熊鳴鶴隔山傳呼余復親至寨

口示信諸苗憑高睇視歡呼稽首遂令營弁魯元楚等乘梯上寨探其虛實並許以投誠後釋放陳俘各苗唯唯隨下謁者數人諭以威福賚以花紅約限二月二十日相率至爆木營投誠忻然而去爆木營羣苗數十依期而至皆伏地訴飲血投順是日賞賚有差全活者以萬計會選土弁陳國典加外委都司劄防駐其地國典本明鎮溪所土指揮生長苗地此番勦苗屢著勤勞分其地爲東西南北四汛以哨弁熊鳴鶴楊正玉周佳儒石世龍爲撫苗千總鳴鶴駐劄老寅寨帶管塘寨龍崗等十四寨正玉駐劄木里帶管龍井司門前等二十八寨佳儒駐劄地良坡帶管三岔坪龍皮林等四十一寨世龍駐劄殘成帶管龍蓬阿八等三十三寨至寨

陽鬼版等十六寨久屬國典管轄之良苗切近紅苗自來聯絡訓練以堵侵虞者惟龍蓬一處在各苗適中之地今國典移駐其鳳凰營管轄池河爛泥塘等二十五寨沿牆一帶順苗原係哨弁吳國賢吳正闕雷流海等撫慰聽鎮管轄效順有年不另議其沿邊麻陽管子鎮溪各隘口原係鎮管協安塘堵禦今仍申嚴巡防陳獲六十餘苗蒙

俞旨放還從此畏威懷德傾心向化永為王民矣

康熙四十二年平苗案 吳德由善非人士籍由善南人
康熙四十二年九月奉 諭 苗人畏威懷德傾心向化永為王民矣

旨著照招撫廣東八排猺之例遣在京大臣帶荆州駐防滿兵千名並

酌帶廣西貴州湖南三省兵直徧鎮管苗巢勒令歸誠 設立州縣 隨

命禮部尚書席爾達副都統圖思海徐九如荆州副都統朱滿於十一

月至鎮管曉諭羣苗望風歸誠其違抗者惟天星馬鞍山毛都塘七兜樹打郎湄亮老家兩頭羊糯塘山老旺山等寨席爾達與總督喻成龍巡撫趙申喬提督俞益謨等統滿漢官兵至天星寨迤東爆木營立營令益謨攻天星龍蛟崗排六梁等寨貴州提督李

芳述攻糯塘山上下葫蘆兜河等寨廣西提督張旺攻馬鞍山打
郎老旺山等寨鎮守總兵官雷如攻毛都塘老家兩頭羊湄亮七
兜樹等寨十二月十日席爾達自樸木營赴苗穴成龍申喬率官
兵應援十三日令長沙協副將高一靖等分爲四路進剿是日益
謨逼天星寨用鎗礮攻苗苗恃土穴不爲動益謨望小天星寨後
山岳高險恐有伏苗令大崗參將許士龍等攀岳而上有苗六七
百人迎敵適一靖從龍蛟崗來與士龍夾攻殺四百九十三人生
擒八人得器械馬匹雜糧無算苗見小天星寨已破願繳器械歸
誠二十一日席爾達親臨寨口驗視苗人男婦老幼匍匐叩繳器
械是日一靖由箐西入天柱參將吳郡由箐北入士龍由箐南入

永定遊擊包成循箐傍諸山以防竄逸時箐南大山下有苗千餘
人拒敵成等率兵邀擊斬八百餘人芳述赴糯塘山葫蘆等寨進
至飛岳屯斬七百餘人生擒三十七人又進至蜂箐岳苗聚千餘
官兵抄出其後苗奔潰截殺五百餘人生擒二十九人張旺赴馬
鞍山打郎寨令桂林副將王國用入山二里許有苗千餘迎敵適
遊擊劉伏振越山至合攻之殺三百餘人柳慶營守備王朝佐堵
截去路殺百五十餘人抵打郎山苗從深箐突出拒敵右營千總
洪珍殺五十餘人又於老旺山捕至衝下苗羣起把總雷啟明殺
二十四人千總郭寰殺八十餘人國用等合攻殺百餘人伏振殺
九十餘人獲鳥鎗藥弩刀鎗甚夥雷如並保靖土司彭澤虹土兵

抵毛都塘大岩圍剿殺五百二十餘人生擒十七人毛都塘緊逼
 糯塘山隘口上接老旺山下接天星寨乃狡苗聚窟遣標撫兵兩
 路架梁而下令保靖土兵搜箐而入席爾達復親臨督兵苗伐大
 木塞箐道官兵奮勇入直逼高界殺六百餘人擒男婦子女五十
 餘人移兵轉擊兩頭羊殺百十五人獲男婦子女六人探知逆苗
 遁藏狗喇岳後箐尚飭遊擊史讚胡璉等並保靖土兵分四路入
 殺二百三十五人獲男婦子女九人計初繳器械歸誠者三百一
 寨自十三日起至二十三日進剿搜捕巨夥既殲諸苗懾服願輸
 課為良苗因於辰州府增設乾州鳳凰二廳分治苗疆席爾達乃
 班師還京

奏陳苗疆善後事宜九款疏

康熙四十四年

湖南巡撫趙申喬

惟鎮算紅苗種類甚繁僻處高山荒野地實不毛不耕不賦性則
 悍愚慣為竊攘自古不通聲教我

朝中外一統薄海同風不忍棄置異視聽其行為不法自陷鋒刃蒙
 皇上特遣大臣統師壓境恩威並用以服其心苗即感畏傾心歸誠者

三百一寨計戶口四千五百二十三成丁八千四百四十八今每
 丁願輸雜糧二升共納糧一百六十八石九斗六升又先經大兵
 臨巢之際內有毛都塘馬鞍山諸寨逃匿窮崖自辰沅靖道移駐
 之後俱各悔罪歸誠披剃入冊共計一十二寨二百四十戶三百
 六十九丁共納糧七石三斗八升俱應於康熙四十四年起徵但

紅苗既已歸誠編戶納糧與民一體茲當初入版圖之候而善後

事宜自當斟酌方可垂之永久臣謹詳議九款

一苗邊文武之事權宜專武員約束兵丁巡查汛地或苗人穴鬪亦聽文員移會撥兵彈壓

一苗民盜竊及搶奪殺傷等事俱應照內地州縣命盜之例

一紅苗捉人勒贖之例宜嚴

一土官之責成宜專五寨司土官土民聽廳官統轄

一添設廳官之關防宜給鑄給乾州同知鳳凰營通判等官關防印信

一新設移駐各員應照邊俸以示鼓勵

一新設移駐各官之解舍宜置

一土司之子弟宜訓苗民子弟宜設義學教育

一接壤之邊釁宜息黔楚苗人毋得越境操戈構釁

流官坐鎮莫若仍歸舊土官管理經前督撫批允如故今紅苗自四十二年撫攝之後率皆輸誠納糧設寨長土百戶催徵巡緝移設道員同知通判兼轄並添撥弁兵鎮防莫不傾心歸化安耕樂業是以六里苗民麻龍得等有捨死投生之控自願改土歸流當行布政司辰沅靖道辰州府查議委命土弁宋純漢清查各寨戶口約束編管隨據布政使佟國勳暨乾州同知蔣嘉猷等詳稱康熙四十九年九月據土弁宋純漢稟稱六里苗人龍得思等願得復歸版圖請令土弁約束乾州同知管轄臣查鎮溪所六里苗民從前雖應保靖司管撫今龍得思願為

聖朝編戶歸漢納糧似難阻其歸誠相應准令復業但宋純漢土弁微

員鎮溪既設流官應將六里苗民責令土弁專司約束乾州同知管轄辰沅靖道統轄則撫馭得人而苗民永沾

聖化矣

苗匪正表 卷三

奏苗疆要務五款清摺

雍正五年

湖廣傳 敏

一請禁民苗結親民以苗爲窟穴苗以民爲耳目民娶苗婦生子肖其外家虜殺拒捕視爲常事凡已經婚配者姑免離異其聘定未成者自本年爲始不許違例嫁娶犯者從重治罪已經婚娶之兵則遠移別汛民則著保甲取結汛守弁員稽其出入

一兵民與苗借債賣產尤宜禁絕漢民柔奸利愚苗之所有哄誘典賣田產或借貸銀穀始甚親暱騙其財物後卽圖賴苗目不識丁不能控訴卽告官無不袒護百姓者苗有屈無伸甚則操刀相向伏草捉人報復無已請自後除糶糶糧食買賣布帛等項見錢交易毋庸禁止至民與苗賣產借債責之郡縣有司兵與苗賣產

借債責之營協汛弁自本年爲始許其自首勒限贖還犯者照例治罪失察官弁嚴加參處
一苗邊惡習凡有不平等事或力難洩忿或控斷不公卽投入苗寨勾引多人潛入內地不論何人墳墓斲棺取顛不論何姓人牛非殺卽虜丟放仇帖云某人與我有仇我故將你出氣被害之家執帖鳴官官畏拏苗惟其仇家是問其仇家不堪追迫勢不得不出資取贖重償燒埋地方官苟且偷安不復追究兇苗以致全無忌憚請自後凡有勾苗殺掘等事務必將勾引之人與行兇之苗嚴拏正法地方官如有憚於拏苗但據仇帖勒贖者以不職例參處

處

奏苗匪章程

五

五

五

一奸民兇苗動輒拒捕宜專責營弁擒拏苗地多深山絕壑鳥道羊腸拒捕不能深入又銃礮刀鎗無一不備凡有犯罪者遣人追捕非負隅不出卽率眾拒捕申報上司令文武協拏此推彼諉虛應故事年深事冷督撫不復深求因而奸頑之徒無所顧忌請自後恃險拒捕者專責營員仍嚴飭弁兵不許騷擾擅拏平民塞責苗地不產硝磺亦不能打造烏鎗明係奸民私造轉賣溪崗請自後宜比照販賣出洋例治罪地方官以失察例參處
一鄰省苗徭殺虜旁郡有司詳報督撫移咨鄰省轉行所屬動經旬月鄰省官弁旣無處分又憚拏苗每以並無其人申報請自後各省邊疆鄰苗有越省虜殺者仍治其疏防之罪其緝捕之責專

歸鄰省邊界文武官弁以文到之日為始一體勒限緝拏如協拏不力照本地官弁例參處

...

增補乾嘉乙丙平苗紀略

乾隆六十年乙卯正月貴州松桃苗石柳鄧倡亂據大寨焚掠營

汛湖南永綏苗石三保據黃瓜寨鳳凰苗吳隴登據鴨保寨吳半生據蘇麻寨

乾州苗吳八月據平隆寨起應之鎮筸總兵明安圖永綏副將伊薩

納同知彭鳳堯領兵捕剿皆遇害賊遂圍永綏鳳凰乾州廳城

旋陷乾州同知宋如椿巡檢江瑤死之貴州總兵珠隆阿亦被

圍正大營苗疆大震石柳鄧所據寨落或云大塘寨或云小營寨惟苗防備覽作大寨考地圖松桃大塘

汛之旁有大寨今從備覽初永綏廳懸苗巢中城外寸地皆苗不數十年盡占為民地於是奸苗倡言逐客民復故地羣苗

復苦百戶之擾咸思變以五十九年敵血於鴨保寨吳隴登家

銅仁大寨苗妖煽其黨知府會營弁捕之遁入楚境遂糾眾攻

陷大塘汛焚掠松桃正大營正月十八日永綏黃瓜寨苗石三

保焚掠永綏鴨保汛副將伊薩納同知彭鳳堯領兵六百往黃

瓜寨捕三保適鎮軍總兵明安圖亦領兵八百營新寨防黔苗
 二十一往會永綏兵於鴨西汛是夜苗集萬餘盡焚民屋圍
 鴨西鎮軍苗吳半生吳隴登吳八月同蠢動火光百餘里軍中
 子藥俱盡短兵接莫能禦鴨西距永綏稍近議駐永綏防守苗
 蜂集二十三日至排打扣伊薩納明安圖彭鳳堯先後被賊
 遂圍永綏同日乾州鎮軍皆被圍乾州本城遊擊陳綸領兵
 往強虎哨明日城遂陷同知宋如椿巡檢江瑤紳士王乙魁李
 得豐等俱死之時永綏僅餘兵二百都司葉開泰率士民嬰城
 固守鎮軍亦被圍鳳凰同知沈麟中軍遊擊王文選率士民登
 陣固守援兵旋集鳳凰同知沈麟中軍遊擊王文選率士民登
 黃上達守禦甚力賊攻圍不能陷

二月

命大學士雲貴總督忠銳嘉勇公福康安督兵征湖南苗四川總督和

琳領川兵會剿領侍衛額勒登保德楞泰贊軍務

是月川乾苗掠
 貴州之平頭四
 十八溪四川之龍圖石隄湖南苗焚浦市攻瀘溪陷花園大學
 士公福康安率雲南總兵花連布統雲貴兵以二月十四日至

銅仁二十日解正大營圍旋剿後洞地所坪等數十寨破之以
 閏月十二日解嗅腦汛圍十四日解松桃廳圍復剿平旁近十
 餘寨降六十餘寨設卡麥地營貴州苗略定四川總督和琳率
 提督穆克登阿總兵袁國璜等統川兵以二月二十七日至秀
 山縣次第剿破小塘坡大蠻坡洪安汛爆木山直達湖南保靖
 交界之棚門小溪設大小隘口十餘處以總兵袁國璜守棚門
 而自率兵進營
 爆木山會剿

閏二月雲貴四川兩道兵攻逆苗石柳鄧於大寨破走之燬其巢

乘勝略定黔邊合兵入湖南

苗防備覽 是月廿八日兩路大
 營雲貴兵由施壩山前進川兵由爆木山前進東西夾攻破之
 石柳鄧遁去乘勝剿焚苗寨四十餘處銅松投降苗寨二百四
 十寨整兵進湖南永綏界雷貴州提督彭廷棟按
 察司西成駐正大營防後路督糧運又是月奉
 軍儲撫土蠻督畢沅仍總督湖廣畢沅至辰州與巡撫姜晟同理
 民亦曰狃狃處乾瀘永綏各邊境苗變起或言土蠻者故土司遺
 助苗而承順了家土人張廷仲尤不軌督撫察其誣推誠撫而

用之於是廷仲及子榮炳瀘溪大小章頭目張子宏張天貴張興通符子玉等糾合土寨壯丁爭願自効永保一帶先得資其助守自後官兵復河溪擒石三保土蠻皆有力焉

三月大兵勦苗於永綏解永綏圍

援首破苗於盤石營進克算子均葫蘆坪滾牛塘且戰且前三月抵永綏又破水洋寨賊圍始解提督劉君輔領兵八百由鎮北路苗據辰州至保靖與湖廣宜昌總兵張廷彥合兵攻永綏西花園令廷彥守之復進攻隆團鴨保汛亦抵永綏考永綏舊城至花園營路西門二十里至鴨保汛二十里至龍團堡又二十八里至花園永綏鴨保係屬汛地其吳隴登所據之鴨保乃鳳凰苗寨一南一北相去甚遠通志原文作進攻龍團突衝鴨保寨及六十年正月十三焚鴨保寨皆誤汎作寨

四月大兵勦永綏之黃瓜寨鳳凰之蘇麻寨西梁寨皆破之逆苗

石三保吳半生遁去擒賊目龍老障龍老虎誅之苗防備覽初十日大營分

兵由榔木地考虎灣茶山坳頭劍坡五路會攻苗首石三保所據之黃瓜寨十二日破之石三保遁去焚賊卡五十餘處擒龍老障等百餘名十九日諸軍會攻鳳凰苗首吳半生所據之蘇麻寨次日克之吳半生遁往西梁二十八日諸軍又攻克西梁寨吳半生仍遁去沿途勦破高水井大小調任兩江湖廣總臘耳山二十餘處擒龍老虎等八十餘名

督福甯兵敗於狗砦巖苗復出擾瀘麻攻鎮筸

先是湖廣總督理軍儲饋餉福甯統兵駐鎮筸以閏二月調任兩江未行通志福甯將由瀘溪復乾州出師僅九十里至狗砦巖苗四面圍之福甯坐輜重中昇還諸營大潰苗復出擾瀘麻攻擊民卡焚高村復攻鎮筸又賊久據乾州於二月初出瀘溪巴斗山燒浦市連攻鎮筸掠永順保靖瀘溪浦市浦市為商賈舟貨所集麻陽之高村多富戶紳士滕家瓚議團勇築卡橫繞巴斗山麓直接大章小章土蠻地屢截禦有功

五月大兵克大新寨移營大樹坡湖南提督劉君輔勦苗於鴨保

汛欲通餉道不果乃移營龍團永綏復被圍大軍移勦黃瓜寨時畱副將富志那

守永綏聖武記劉君輔在永綏欲復通鴨保中途突圍數重
幾不免及隆團遇袁國璜張廷彥兩援兵乃保隆團而鴨保餉
道卒不通又永綏處生苗突奧北保靖西松桃南鎮東乾州
而賊巢則平隆鴨保左右營各寨介四廳間皆疊嶂峴嶮惟鎮
草一路聲勢四接由瀘溪進乾州僅九十里而福和兩帥由黔
來遠從銅仁正大營穿深巢往乾州道既險遠劉君輔所請五
路進兵策亦不用苗遂專伺大營所向據險死拒而各營亦奉
令不得自為戰故賊勢益張及劉君輔隔隆團苗遂復圍永綏
環攻兩月餘副將富志那遣告急大營連數十輩不達最後達
二卒始遣四川提督穆克那登阿往援苗併力拒援兵劉君輔復
自隆團轉戰入八月圍調任兩江總督福甯永州總兵蘇靈擊
始解而竟無奏贖云

鎮草撲城苗大破之鳳凰廳志五月二十八日賊苗自廳城西

虎尾峰逼觀景山梁俯瞰廳城總督福甯甯用紳士會朝瑞田祖
載策檄駐魏家莊總兵蘇靈分兵兩路一由觀景山前敵進一
由湜溪渡河繞苗後路截擊殲苗無算奪回所

失各營追奔數十里苗自是不敢復窺鎮草

荆州將軍公興肇各率兵至鎮草苗防備覽是月十五日苗匪

瓜寨卡四川總督穆克登阿擊卻之總督畢沅巡撫姜晟招

撫乾州永保投誠苗二百四十餘寨苗防備覽

六月苗匪撲大營官兵擊卻之苗防備覽是月花連布升任貴

州擒吳添半苗防備覽是月苗首石大貴率六十餘寨詣辰

州降自後頗禦苗有功石大貴投誠畢制軍有疏奏

聞見備覽藝文志

七月大兵大破苗匪於大烏草河遂乘勝渡河並克猿猴寨狗腦

坡古丈坪等寨苗防備覽是月初二日大軍破賊古哨營會江

河破之諸軍乘勝渡河生擒逆苗龍老發等八十餘人二十一

日進攻盛花哨古丈坪分兵攻狗腦坡上下猿猴等寨皆克之

而劉君輔亦勦破隆團附近之紀容米惹等寨考大烏草河

即烏巢河為沱水上遊在鳳凰西北六十里兩岸石壁如削緣

壁鑿石磴仄容一人足斜至水際以通津渡凡往來鳳永兩廳

必取道於此行至臨崖緣石磴下六七里涉河緣石磴上六七

里登崖壁頂始出險就夷每入夏山漲頻發奔湍怒激必漲退始可結筏渡是以五六兩月大軍阻此不能進

八月大兵克烏隴崖楊柳坪及茶坨柳夯降鳳凰之栗林排若等

七十餘寨

九月

詔晉封福康安貝子和琳一等宣勇伯 是月大兵進營碧雲山擊敗

馬鞍山撲卡苗匪隨營知縣傅爾生擒賊目龍喬六龍入會斬

之旋合攻高斗寨擒逆首吳半生獻俘京師苗防備覽 聖武記通志鳳凰廳志

皆云隨營普洱縣知縣傅爾生擒吳半生今考公升補辰沅道請咨引見履歷內無擒首逆吳半生之語惟奉委解吳半生入

都今從苗防備覽敘錄

十月大兵克大天星等寨進攻鴨保寨破其木城石卡首逆吳隴

登乞降誘擒吳八月以獻初石柳鄧石三保等既起事巢旋破而吳八月自云吳三桂後據平隆稱

吳王妖煽遠近石柳鄧石三保皆附之平隆黨轉盛至是為吳隴登誘擒而其子廷禮廷義復與隴登仇殺負嶠自若通志

十月大兵克摩手寨大腦坡得勝山高岩喜雀坡尖岩山等寨圍鴨保寨時所至招撫凡苗酋降者皆許奏賞官秩花翎散苗

優以金錢吳隴登乞降許殺賊自效除為官軍嚮道擒吳八月以獻苗防備覽十月十二日大兵進攻苗首吳隴登所據之

鴨保寨沿途剿破大天星等寨進營鴨保寨二十二日分兵四路破鴨保山外木城石卡十餘處佔據山梁生擒賊目吳老引

等二十二日人斬之十一月初三日吳隴登率各降苗等誘擒吳八月於臥盤寨遣其子吳老觀詣大營乞降初七八日吳隴登

復縛送賊首龍五劬龍老三等至大營斬之

十一月吳八月之子吳廷禮吳廷義糾眾襲奪鴨保寨大軍擊敗

之遂轉焚降苗楊進元吳廷舉等寨落出掠浦市童山濫泥等

處守禦兵勇拒御之苗防備覽

十二月大軍連克爆木營普定寨擒頭坡騾馬洞金沖進營五里牌

嘉慶元年正月大軍進營長吉寨乾州大隴崗河沿各苗寨詣營降自二月至四月以次攻克連雲山壁多山高吉坨坪逆均納共山貴道嶺長吉寨茶山茨岩結石岡火麻營各苗寨先後擒賊目石老岩楊老隴石老宜龍莽宜等並吳八月磔於軍通志安和琳會奏大兵緊逼苗穴凡往平隴山梁隘口處處築城修卡創挖深濠阻斷道路花連布等帶兵駐劄普定寨前大山那丹珠等駐劄壁多山副將玉貴參將姜敏功等帶兵駐劄銀牌寨堵截麻衝一帶苗路溫春多隆武那全張鵬翦鄧英雄褚大榮等兩路夾攻岩口大寨以分賊勢另分兵三路直趨納共山令阿哈保塞靈額達音泰等各為一路每路分為四起占定大小山梁分搶木城石卡額勒登保德楞泰督三布爾等統領三路往來督催臣等督同興肇等繼進此間山皆陡削下臨深澗

峯巒層疊卡隘紛列逆苗憑高瞭望守禦甚力二十一日各路官兵直取納共山攀援競上每路殺賊苗二三百人奪據納共山寨趁勢連克貴道嶺各處木城石卡四十餘座焚燒苗寨三百餘戶復進攻長吉寨攀援陡坎奪據木卡三十餘座四面轟擊破其石城復將茶山隴岩占據皆平隴一帶屏障放火燒死逆苗無算又奏由長吉山進剿平隴峯巒逆苗苗挖溝塞路官兵攻獲稻田山賊二十餘寨額勒登保令官兵備口袋盛土填路攻克結石岡奪其石城又奏以次攻奪火麻營太平四卡山腰石城廖家衝續調兩廣雲南四川兵六萬來營協剿是年正月湖北教匪倡亂總督畢沅自辰州馳赴當陽巡撫姜晟專理辰州軍餉調派大小章士蠻與官兵夾攻苗匪於柘木橋黃連山克復河溪苗防備覽乾隆六十年七月總督畢沅等奏苗防備覽乾隆六十年七月總督畢沅等奏月勦破瀘溪沿途苗匪進至能灘大營復檄總兵蘇靈自鎮寧往助之九月自能灘進營潭溪四月十三日續調廣東兵會袁敏軍進克丑陀十八九日姜晟調大小章士蠻夾攻苗於柘木橋黃連山大破之乘勝渡河遂復河溪

五月貝子福康安卒於軍奉

旨贈郡王爵軍營一切調度機宜專交和琳督辦提督劉君輔總兵張

廷彥計擒首逆石三保獻俘京師通志劉君輔諭哄哄寨土蠻張子貴等誘石三保至劫溪

導官軍擒獲之 又和琳奏官軍抵廖家衝後值大雨連旬平隴一帶山險無路須先復乾州再進攻巢穴

六月宣勇伯和琳親統大軍連破賊於馬鞍山尖雲山黃連坡曬

穀坡窰灰坡田頭冲至三礮臺盡燬乾州城外賊梁木城石卡

七十餘處大軍追擊斬馘無算十七日克復乾州廳城移師入

城奉

旨和琳賞戴三眼花翎額勒登保雙眼花翎各官弁漢土官兵升賞有

差苗防備覽十八九日分兵搜剿長灘村兩頭四包柳麥柳等處苗匪北路提督穆克登阿剿破白臘寨擒賊一十二名送

大營 是月奉

上諭湖北賊匪四處糾眾和琳於乾州擒獲首逆後酌留官兵一二萬

分駐乾州永綏等處緊要隘口實力守禦即帶領應撤之兵馳赴湖

北督辦以期事權歸一等因欽此隨覆奏請

敕下畢沅回駐湖南以資料理一面密籌撤兵仍一面進取平隆冀擒

首逆務期趕緊移師楚北剿捕教匪

七月督師宣勇伯和琳陳奏苗疆緊要善後章程六條軍機大臣

遵

旨會部核議奏准咨行苗防備覽是月十七日雲貴總督勒保巡撫姜

辦威甯 黑猓大營分兵搜捕附城大小莊鴨溪大坡壠黃茅田等處

逸苗又分兵疏通河溪道路

苗防備覽十一月派花連布等策應河溪官兵總兵袁敏廣東總兵

穆騰額帶兵追至老屋岩兩軍相遇乾州東路悉通

是月修復乾州官署倉廩軍糈糧

餉移駐城內

通志

三岔坪苗首吳麻五率本寨三百餘戶詣營降

八月大軍自乾州進攻平隆大破苗匪於強虎哨斬馘三百餘級

勞神地母各寨詣營乞降大軍進營強虎哨以次攻勦後坡新

寨麻里灣蕭營茶葉坪墨斗溪天塘鋪等苗寨皆破之

苗防備覽

總兵袁國璜等擒賊首石代噶解軍前磔示

通志和琳奏首逆石柳鄧等遣石代

噶糾黨滋擾花園一路欲分大兵之勢自勦洗大塘汛後石代

噶同石柳鄧逃至黃瓜寨仍糾眾抗拒臣督同額勒登保等由

強虎哨分兵攻克後坡新寨麻里灣等處賊卡七十餘處總兵

袁國璜於花園派鄉勇張宗武及降苗石蘊裕擒石代噶解營

是月總督宣勇伯和琳卒於軍領侍衛內大臣額勒登保代總

軍務

通志苗防備覽作額勒登保巡撫姜晟共總軍務九月巡撫姜晟加總督銜

九月大軍以次攻克黃土坡蒼茅溝興隆坪社神堂乾溪老強虎

哨岩人坡杏口洞平頭梁羅家灣大壩角迭有斬獲進營大壩

角北路官軍駐永綏提督穆克登阿攻勦永綏附近之補林洞

口等寨斬賊首龍三章石老寨等駐隆團總兵袁國璜擒賊目

石必文送大營斬之

十月

欽差

廣州將軍明亮新授湖廣提督鄂輝來苗疆討賊酌撤後路守卡

防兵赴前敵助戰分兵五路會攻平隆逆寨破之縱火焚吳八

月廬舍時吳廷禮已死戮其屍平隆大寨平

苗防備覽是月北路

官軍駐永綏提督穆克登阿勒破蜡夷苗寨擒斬三百餘名永

綏六里七里苗寨數十詣營降

十一月大軍分兵進剿平隆附近之茶衝土貫坡壺耳岩麻苟坡

馬頭山餘錦山等處賊卡北路官軍提督穆克登阿攻破田家

坡打子坡岩板銅木知耳等苗寨總兵蘇靈張廷彥擒癡苗石

八月石七月李二劉七官等解營磔之

十二月大軍攻克石隆逆寨陣斬逆渠石柳鄧生擒其子石老喬

並殲逆黨無算捷

旨封行營各帥爵隨征將士升賞有差

苗匪以乾隆六十年正月事

首逆石柳鄧石三保吳八月吳

半生吳隴登等分據大塘蘇麻平隆鴨保各寨自是悉平各首

逆惟吳隴登先降餘盡伏誅 苗防備覽初三日大軍攻克貴

魚坡兩又灣等處賊卡十七處生擒吳老化等四十七名斬首

一百五十三顆初五日分兵四路會攻石隆寨大破之梟首逆

石柳鄧於陣擒其子石老喬並活賊一百三十九名斬俘無算

通志將軍明亮等奏言貴魚坡一帶山勢險峻苗路如梳苗

出沒俱從陡坡上下往來奔竄其地接平隆後山山勢環峙地

名石隆寨落甚多為首逆巢穴經額勒登保領綸布春等督兵

從坡下先斷要路臣明亮等由兩又灣繞出後路四面環擊苗

伏坡下向山攻撲額勒登保督總兵朱射斗等截殺無數寨苗

抵死守禦守備王泰和把總康恆彩先撲寨連刃數賊被圍陣

亡巴圖魯等鼓勇競入獲石老喬係石柳鄧養子供石柳鄧頭

著鎗傷竄至寨後為人割首級去辨識甚確傳首黔楚各苗寨

落生擒一百三十九人梟示平隆獲大小鐵礮九位火藥彈丸

糧食無算傷亡兵弁均咨部請卹奉

旨明

諭

賞銀一萬兩德楞泰五千兩滿漢屯土官兵賞給五月錢糧其餘

在事員弁俱從優議敘把總王泰和康恆彩先登殺賊致被賊苗

裹住受傷陣亡甚屬可惜俱著加兩等議卹又

辦苗匪之事大局完竣前次和琳所奏章程內事竣後酌留兵一

征服上

三

二萬名酌派大員彈壓鄂輝係該省提督毋庸另派又以三廳辰州所屬而該省提督駐常德府未免鞭長莫及曾據請將湖廣提督移駐辰州府如果應行移駐即行奏明辦理自是月吳八月之後湖廣提督分駐辰州常德歲以半歲為期

姪吳廷梁縛首逆吳廷義至軍前乞降又擒石柳鄧之子石老貫石老二並家屬石三保之子石滿宜石老有縛送軍前吳隴登擒獻石三保幼子石老宜各逆家屬黨與俱捕獲奉

旨賞吳廷梁五品銜苗防備覽大軍分兵疏通鎮筵道路進駐得勝營曬金塘舊司坪算子坪茶山香鑪山釀水司門前等處數十寨詣營

乞降提督男爵鄂輝帶同鳳凰廳同知傅爾巡至小鳳凰營各寨悉平

苗防備覽 廳志官兵由灣溪經算子坪曬金塘武定營高樓哨等處分搜餘苗酌中設卡附近難民官為搭棚棲止 令復業

二年正月解首逆吳廷義及石老喬等獻俘京師奉

諭此次逆苗不法石柳鄧與石三保首先糾結實為凶惡渠魁前經明

亮等將石柳鄧家口全數生擒正法今又曉諭降苗將石三保家屬拏獲賊目已處以極刑吳隴登加一等賞給四品頂戴帶都司

銜賞給蟒緞吳廷梁賞給五品翎頂並賞大緞明亮可將善後各要事交畢沅鄂輝姜

昌查照和琳奏定章程以次妥辦綏靖苗疆
通志 鎮筵兵備道 成甯都司傅朝林剿半冲苗寨擒吳八月之次子吳廷英吳廷玉降苗縛獻吳八月之孫吳有富石三保之兄石老晚石柳鄧之孫石老五承綏擒獲始事 癡苗石花延石花保苗婦石七妹等至軍盡斬之

二月奉

上諭乾州等處復業人民尚難謀食乾鳳永三廳邊牆以外難民著加

恩展賑至六月瀘溪麻陽永順保靖四縣均展賑至五月

通志考元年

克復乾州和帥條陳善後措內安頓難民一款內稱現在就賑之民無籍可歸者請即於苗疆以外原係民村隙地酌給搭蓋房屋之資俾得棲止再令地方官查明戶口分別撫卹等語蓋於辦理軍務之時業已兼辦賑撫難民等事

是月大

營分兵疏通乾州至保靖一路會駐永綏提督穆克登阿夾攻

岩寨沙子均塘口古老等寨俱破之丁牛柳斗等寨三十餘處

詣營乞降提督鄂輝帶兵由鎮筵正大營達永綏將軍明亮帶

兵自乾州至永綏會疏請

旨獎勵永綏守城官弁紳士人民

恩賞有差苗疆平湖廣總督畢沅由襄陽赴辰州與提督鄂輝巡撫姜

晟督畱防兵會辦苗疆善後事宜

三月苗疆大軍凱撤移剿川楚教匪

仍酌畱貴州兵二千名兩廣兵六千名雲南兵三千名並

湖北湖南官兵周圍安置

聖主委任諄諄畀以軍旅重寄權衡緩急此刻勦辦苗匪業已克復乾州而湖北匪徒正在蔓延滋擾自應畱兵苗疆嚴密防堵趕緊移兵楚北將教匪痛加殲除以期稍慰

聖注臣前次奉到

諭旨即將苗疆大局通盤籌畫惟緣重兵深入苗境次第歸併撤出必須於趕緊籌辦之中仍寓從容不迫之意庶不致爲苗匪乘機窺伺反側立萌一切情形自蒙

聖鑒旬日以來臣一面督兵疏通河溪道路一面遵照前

旨准將漢民侵佔苗疆田地賞給降苗俾令堅心向化並使未降苗寨聞風解散如能擒獻逆首石柳鄧等卽准將功折罪如此

恩威並用雖覺辦理略有耽延而於事體方能完善若過於急切轉恐欲速反遲非萬全之道至大兵旣經議撤則各路零星苗匪勢不能逐路勦捕一律肅清仰蒙

聖主洞悉機宜

諭令畱兵一二萬分駐永綏乾州等處洵爲至當不易惟額勒登保德楞泰二人諳練戎行辦事得力茲當湖北軍務緊要正應帶同前往所有此次酌畱官兵惟有於軍營幹練提鎮將領內酌量存畱統率辦理以期無誤俟將官兵數目及週圍駐劄地方撥定後另行詳晰具奏至各省兵丁從征苗匪已及年餘未免稍形疲乏其傷病未痊之人旣應遣發回營而川滇等省沿邊緊要營分兵力

亦未免空虛正應酌量撤回俾資彈壓如屯土各兵自較綠營爲
勇健將來前赴湖北除將疲病遣發外亦未能全數帶去止擬選
帶千名以供調派茲蒙

聖主體恤周詳特令傳

旨告以一俟各處平定卽令歸屯臣宣示之下各屯土頭人兵丁咸稱
此次從征打仗仰蒙

大皇帝疊賞錢糧

賜給翎頂

恩榮優渥如有應行出力之處自當勉圖報效不敢遽思回寨等語體
察情形實屬人人思奮所有一切善後章程臣已擇其目前關係

緊要者另摺具奏恭候

訓示惟念苗疆甫經戡定應辦事件正多必得熟諳大員統率馭定前
經奏請

敕下畢沅回駐湖南以資料理如畢沅回至此閒與勒保將黔楚苗疆
分手接辦臣交代一切更覺放心於大局實爲有裨臣現在一面
密籌撤兵仍一面併力進取平隴冀擒逆首務期趕緊移師楚北
剿捕匪徒以慰

聖慈廬注謹

奏

奏擬湖南苗疆善後章程六條摺
嘉慶元年
 四川總督和琳
 奏為酌擬苗疆緊要善後章程先行恭摺具奏仰祈
 聖鑒事竊臣仰蒙
 恩命總統師于自勦辦苗匪以來由川入黔自黔而楚凡苗地山川之
 險要風俗之獷悍身親目擊隨時相度情形而石三保石柳鄧等
 勾結起衅緣由亦經節次研訊得其確實蓋係川黔楚三省均有
 苗疆川省酉陽一隅自改土歸流之後久與齊民無異雖與黔楚
 壤地相接而風氣各殊所以上年苗匪不法秀山沿邊一帶村莊
 多被焚燒而川省改土歸流之民並無與苗匪相通滋事者惟鎮
 筭三廳及黔省銅仁府屬苗民眾多地方遼闊而楚苗之悍又甚

奏擬湖南苗疆善後章程六條摺

嘉慶元年 四川總督和琳

奏為酌擬苗疆緊要善後章程先行恭摺具奏仰祈

聖鑒事竊臣仰蒙

恩命總統師于自勦辦苗匪以來由川入黔自黔而楚凡苗地山川之

險要風俗之獷悍身親目擊隨時相度情形而石三保石柳鄧等
 勾結起衅緣由亦經節次研訊得其確實蓋係川黔楚三省均有
 苗疆川省酉陽一隅自改土歸流之後久與齊民無異雖與黔楚
 壤地相接而風氣各殊所以上年苗匪不法秀山沿邊一帶村莊
 多被焚燒而川省改土歸流之民並無與苗匪相通滋事者惟鎮
 筭三廳及黔省銅仁府屬苗民眾多地方遼闊而楚苗之悍又甚

黔苗生熟不齊屢煩兵革或勦或撫總蒙
憐覆優容迄今數十年休養生息雖地畝不在輸納之內人丁不在徭
役之中但戶口日滋地界有限未免生計日絀兼自乾隆二十九
年弛苗民結親之禁客土二民均得與苗人互爲姻婭因之奸民
出入遂漸設計盤剝將苗疆地畝侵佔錯處是以苗眾轉致失業
貧難無度者日多經石三保石柳鄧等假託瘋癲倡言焚殺客民
奪回田地窮苗聞風無不攘臂相從起衅之端實由於此自興師
勦捕仰仗

天威洪福疊解圍城屢擒首逆大兵所到苗匪震懾萬分又蒙
聖德好生准予歸撫雖蠢頑弗率一時自卽誅夷而

煦育深仁不忍悉加斧鉞

臣仰體

聖意督兵進勦除負隅抗拒臨陣殲戮不計外凡有降順各苗統計黔
楚兩省不下十餘萬此刻大兵已復乾州該苗匪等具有人心正
當立時解散以圖生路乃三廳所屬尙有未降未勦小苗或固守
寨落或竄匿岩洞卽已降各苗雖尙始終畏懼不免心懷觀望推
原其故皆由於凶悍亡命者自知造罪已深未敢遽信爲能邀
寬典其窮苦無歸者卽降順之後亦不免終委溝渠所以各路未能肅
清降苗逆苗互相牽制此時大兵遽撤旣難保無反側旋萌若專
駐兵搜勦此等零星寨落分佈於深山窮谷之間必欲逐加擒治
不但久遲且恐難臻靜謐

臣現蒙

恩命特令移師楚北督勦匪徒固不敢再行濡滯亦不敢顧彼失此用特酌量機宜因勢利導謹籌善後大綱六條以期於目前之安撫事後之防維均能有益敬爲我

皇上陳之

一苗疆田畝必應清釐界址毋許漢民侵佔以杜爭競也查節次
欽奉

諭旨以石柳鄧滋事皆因附近客民平時在彼盤踞事竣後逐一清釐毋許客民再與苗民私相往來交易又奉
諭旨客民侵佔之地著辦理善後時派員清查如此項地畝本係民產仍歸民種本係苗產爲客民所佔竟給良苗耕種以清界址而杜後

患各等因欽遵在案查舊例漢民原不准擅入苗地自乾隆二十九年以苗人向化日久准其與內地民人姻婭往來弛其禁立法之始原以苗情頑梗不妨令其聲息相通漸資化導而日久弊生漢奸出入始則以貿易而利其財繼則因賬債而佔其地在客民之侵佔日見其多則苗疆田地日見其少是以積忿相仇猝然燒殺起事今欲杜爭競之端惟先嚴漢苗地界查鎮箠東南一帶本係民地西北皆係苗寨永綏四面皆係苗地惟花園一帶本係民地是以乾鳳舊有土城一道自喜鵲營起以至亭子關止綿亘三百餘里以爲民苗之限今城址以外苗寨少而民村多此種由來已久應與花園一帶之民地仍聽漢民居住復業其自城址以內直

至黔川交界三廳所屬苗地向來悉係苗產此內如有漢民侵佔之田亦應一並查明不許漢民再行耕種至黔省正大嗅腦松桃等處本屬民苗雜處其原係民村亦准漢民復業其餘苗寨內漢人所佔插花地畝均應給還苗民管業庶苗民寨落各有界限不能越畔而耕其出力降苗及窮苦各苗伊等寨落附近有無此項田畝當責成百戶據實查明通融酌撥務俾稍沾餘潤總之地產漸敷則民生自裕臣於攻克乾州之次即將黔楚兩省所有降苗百戶寨長一並傳齊剴切曉諭本月初三四等日各路百戶人等齊集於鴨保寨五六百名僉稱仰蒙如此

高厚恩施從此各安生業誰敢再有反復及現在未降各寨一聞此信

想必踴躍前來等語查看情形實屬萬分悅服隨令該百戶等將各協營所管寨落內漢民佔踞田地共有若干造冊呈報以憑核辦去後連日各降苗互相保結帶出畏罪未降苗眾一千餘戶乞恩求命如此利害分明則降苗鼓勵有加日益馴服窮苗得資餬口不致散漫無歸此外卽有被脅負固逆苗亦當聞風瓦解矣謹將黔川楚三省苗境界址繪圖進

呈以備

披覽

一苗疆營汛應分別歸併以聯聲勢也恭查欽奉

諭旨鳳凰永綏乾州三廳兵力稍單將來事定後宜擇其要隘處所酌

湖南直隸正志 卷三
添兵丁及文武大員以資彈壓等因欽此查湖南鎮筭一鎮額設兵二千七百六十名永綏一協額設兵一千四百七十名貴州銅仁一協額設兵二千名以上額兵分駐苗疆塘汛每處多或數十名少止五六名不等在救甯無事之日不過稍資彈壓其實苗人素性凶悍往往彼此持械相爭名爲打冤家聚眾吃血慾不畏法不惟駐劄塘汛之末弁僅帶十數名兵丁者不能管理卽分汛之都守帶兵百數十名亦不足以資約束是以因循日久苗情驕縱肆意自如是此等孤懸苗境之塘汛不但不能懾服苗民而且啟其藐視之漸似應酌量辦理茲臣再三籌議惟有定立界限將苗境內所有零星塘汛全行撤出歸入黔楚鎮協及參遊都守營分地

方歸併駐劄無事則捍衛惟嚴有事則調派亦易惟塘汛旣撤則楚省三廳及黔省之松桃正大等處聲勢必應聯絡臣察看形勢辰州爲鎮筭後路中間高村岩門石羊哨爲扼要保靖爲永綏後路中間隆團花園爲扼要瀘溪爲乾州後路中間河溪洗溪爲扼要應將此三廳後路中間添建城堡駐兵以相犄角其沿途大路自鎮筭以至乾州永綏中間軌者爲適中之地又黔楚交界地方小鳳凰營巴茅汛兩處最爲扼要除大路塘汛照舊安設外餘均築堡添兵駐劄至黔省正大嗅腦松桃三處均有城垣道路遠近相等該處大路塘汛亦照舊安設凡有零星苗地分防塘汛之兵卽酌量撥出歸入正大等處以厚兵力但現在兵民甫定恐不免

尚有搜勦事宜專藉本營之兵不敷調遣正應遵

旨

尚畱兵一二萬名於周圍彈壓以壯聲威將來應否添兵統候畱兵

全撤之時察看苗情是否甯貼應否添兵相制再行核議亦不敢稍存惜費之見其川省酉陽秀山一帶逼近黔楚苗疆止有參將一員兵力亦極單薄是否應行添設亦請於撤兵之後另議請

旨以副

聖主靖鎮邊圉之至意其移撤歸併塘汛兵丁數目俟安設之後另行造冊咨部以憑查核

一苗疆百戶寨長名目應酌量更定以專責成也查川黔楚三省如酉陽銅仁鎮筵永順保靖等處從前均係土司嗣後各土司等

陸續呈請歸流始改設州縣營分統歸文武管轄其苗寨內止設百戶寨長如內地之里正保甲而已三廳百戶原額三十六人設立之初原因苗人懼見官長如偶犯細故即令百戶爲之處分如必須勾攝到官亦必令百戶傳喚但該百戶等人微權輕苗眾既不甚聽約束且向例漢人亦准承充更無非奸蠹無籍之徒無事則專意欺凌有事則全無控馭甚屬無益近來百戶之數漸濫漸多無所考其爲誰點放臣揣時度勢雖不便仍立土司名目但此次各降苗內節經隨同官兵打仗出力蒙

恩賞

給翎頂者頗不乏人應於此等降苗內擇其明白曉事眾所推服者照各省土司之例每一營分酌設一二人爲土守備土守備之

下酌設土千把外委等俾令管束苗民其額數之多寡以所管之寨落多寡為定仍由督撫衙門給劄點充嗣後凡有苗民格鬪竊盜等事均著落此種土官緝拏辦理該土弁等並歸文武地方官約束倘遇督撫提鎮查閱營伍巡視邊境應令該土弁等前來參謁核其管理苗民眾心是否悅服隨時分別獎賞陞革以示懲勸至苗境內塘汛雖撤而往來大路未便仍令阻隔應請將原有塘汛令該土弁另將苗人挑選安設以伺應遞送文報公務差遣之用此項苗人立定數目並照屯兵之例酌給錢糧另籌閒款支用如遇文武大小各員因公來往巡查經由苗地不免需用人夫應令一並當差給與價值與漢民一體相待以示體卹

一苗疆城垣應分別修理也恭查前奉

諭旨鎮筮城四面皆山形如釜底著於事竣後查看據實奏聞若以該處城形窄小不足以壯觀瞻而資捍衛或就舊建城垣量加寬展將附近高阜地方半圍城中欽此欽遵在案又於上年十一月內畢沅等奏請花園岩門等處修築城堡以為駐兵之地仰蒙

聖恩允准在案臣查苗疆地方跬步皆山沃野之處甚少鎮筮廳城形勢皆低周圍山勢環列惟建城之處少為寬廠附城尙有水道承緩形勢彷彿惟乾州四面較為平垣然數里之外層疊皆山是三廳城垣竟無可以移建之處現在惟有將撤出苗地內塘汛之兵即於廳城四面緊要隘口添建礮卡駐以官兵用資屏障此外於

岩門高村石羊哨花園龍團河溪洗溪巴茅汛小鳳凰營等處凡有安設官兵地方均應一律查明添築城堡以資守禦查上年苗匪滋事凡有塘汛均被焚燒如正大嗅腦城牆雖小而始終鞏固可知零星塘汛於事無益其城垣屹立之處究屬可恃此其明驗臣現在酌定駐兵地方如有必須修築者即當與勒保畢沅姜晟馮光熊等公同斟酌委員勘估分別興工其原舊之楚省三廳貴州之銅仁正大嗅腦松桃四川之秀山各城凡有低薄坍塌鼓裂之處及大路不撤塘汛焚燒坍塌者一併勘估修理以期堅固其餘苗地內各路塘汛均已焚燬今已議裁毋庸勘辦一苗疆鳥鎗等項器械必應收繳以去爪牙也查苗民住居於深

山窮谷之中秉性既極凶悍且向以打牲防獸爲名所蓄鳥鎗官所不禁年深月久以至比戶皆藏盡戶皆有苗人等童而習之施放便捷上年冬閒先經酌派文武分爲十路查撫降苗據隨營總理司道等議稱苗民向來窮苦自經大兵進剿耕種失時雖畏懼來歸而生計益形窮迫若欲搜其器械恐苗民等心存吝惜勢必藏匿不前若逐寨嚴收又非綏輯降苗之道莫若酌給價值每鎗一桿給銀二兩刀一把給銀一兩矛子一桿給銀五錢不甚完整者減半酌給如此則器械既可全收窮苗得此又可少資餬口不致反側爲匪亦賣刀買犢之意當通飭各路認真辦理半載以來黔楚兩省所收鳥鎗刀矛已有一萬四五千件行之頗有成效茲

當續降苗寨月益加大兵將撤仍令趕緊收繳務令一律肅清
惟兵器不便變價所需銀兩應請俟事竣後實用若干令各該省
公攤歸款器械卽分貯各營收存備用至苗境內出產硝磺處所
均令地方官嚴查封禁如有偷挖製造火藥者惟該土官是問如
有奸民私買私賣者一經拏獲從重治罪別經發覺則失察之地
方官從嚴議處

一被難民人亦應分別安頓以示體卹也查此次苗匪滋事雖由
於客民盤剝地畝有激而成但客民之在苗地亦非一朝一夕卽
有被佔田地有用價置買者有以貨物易換者茲因苗匪不法轉
致此等客民全行失業亦未免向隅因查客民之內除回赴原籍

及逃亡病故不計外如現在就賑之民無可歸業者應卽准於苗
疆以外本係民村地方先行酌給搭蓋房屋之費俾資棲止然後
再令地方官查明戶口分別撫恤蓋苗疆以外民村屢被焚掠隙
地亦多止可官爲查核分給向在苗地內之漢民居住至於苗匪
此時爲因客民盤剝田地心懷忿恨其實苗地之鹽斤布疋等物
胥藉客民負販以供日用如一概禁絕又多不便嗣後民苗買賣
應於交界處所聽其擇地設立場市定期交易官爲彈壓不准以
田畝易換物件以杜侵佔盤剝衅端則苗民永可相安無擾矣
以上六條臣自上年以來卽會與福康安計議並與畢沅勒保福
甯姜晟馮光熊往返札商凡有隨營及後路司道各大員亦令各

加籌畫茲當苗疆甫經戡定敬擇其緊要事宜先列大概恭摺奏聞其有應行條分縷晰之處即帶兵前往湖北後仍當與勒保畢沅等隨時酌核札商辦理固不必過事紛更亦不可稍為將就總以民苗兩便可期永遠遵行為主愚昧之見是否有當伏乞

皇上聖鑒訓示謹

奏奉

硃批軍機大臣核議具奏欽此

前案部覆

嘉慶元年九月准咨

軍機大臣覆奏內開總督伯和琳條奏善後章程一摺奉

旨軍機大臣核議具奏欽此等公同詳細核議並恭照節次所奉

諭旨與和琳所奏各條逐一按款核議恭呈

御覽

一苗疆田畝清釐界址毋許漢民侵佔一款據奏舊例漢民原不准擅入苗地後因苗人向化日久均與苗人姻婭往來遂致日久弊生盤剝侵佔請查明漢苗之界如係民村民地仍聽漢民居住復業其凡屬苗地苗產如被漢人侵佔及苗寨內如漢人所佔插花地畝一概查出仍給苗民管業惟苗人寨落亦各有界限不能

越畔而耕其出力降苗及窮苦各苗伊等寨落就近有無此項田畝責成百戶等據實查明通融酌撥俾稍沾餘潤等語覆查前奉諭旨以逆苗滋事皆因附近客民平時在彼盤踞事竣後著逐一清釐無許客民再與苗人私相往來交易復奉

諭旨客民侵佔之地著辦理善後時派員清查如本係民產仍歸民種本係苗產爲客民所佔竟給良苗耕種等因欽此今據總督伯和琳查明乾鳳舊有土城一道綿長三百餘里以爲民苗之限今城址以外苗寨少而民村多此種民村由來已久自應與花園一帶民村仍聽漢民居住復業其自城址以內直至黔川交界三廳所屬既據查明向來悉係苗產如有漢民侵佔之田自應一併查出不

許漢民再行耕種至黔省正大松桃嗅腦等處本係民苗雜處其原係民村亦准漢民復業其餘苗寨如有奸民所佔插花地畝均應給還苗民管業自應如所奏辦理其所稱查出田畝卽以出力降苗及窮苦各苗寨落附近者通融酌撥之處查此等降苗窮苦前經奉

旨將查出叛產分給已降無業良苗耕種並將舊日漢苗界址分查清楚凡漢人侵佔苗地胥給降苗及無業窮苗俾奸民無所圖利且免煽惑等因欽遵在案今漢苗界址已據分晰查明其客民侵佔苗地亦據責成百戶等據實查明造冊呈報應俟大功告竣將各處叛產通行查明共有若干與現在查出客民侵佔之地一併欽遵

諭旨賞給降苗及無業窮苗耕種如此分別核辦則界址既清可杜奸民煽惑之漸而

恩威並著益堅苗民感畏之忱矣

一苗疆營汛應分別歸併以聯聲勢一款據奏湖南鎮守一鎮額設兵二千七百六十名永綏一協額設兵一千四百七十名貴州銅仁一協額設兵二千名以上額兵分駐苗疆塘汛每處多或數十名少止五六名不等此等塘汛孤懸苗境不但不能懾服苗民且啟藐視之漸自應立定界限將苗境內所有零星塘汛全行撤出歸入黔楚鎮協及參遊都守營分地方歸併駐劄應將鎮守永綏乾州三廳後路中間添建大小城堡其沿邊大路如得勝營軌

者及黔楚交界之小鳳凰巴茅汛均應築堡又黔楚交界地方嗅腦松桃正大三處凡有零星苗地分防塘汛卽酌量撤出歸入正大等處以厚兵力但現在苗疆甫定正應遵

旨暫畱兵一二萬於周圍彈壓將來應否添兵統俟畱兵全撤之時再行核議其川省酉陽秀山一帶兵力應否添設亦於撤兵之後另議等語查前奉

諭旨鳳凰永綏乾州三廳兵力稍單將來事定後宜擇其要隘處所酌添兵丁及文武大員以資彈壓等因欽遵在案今據總督伯和琳查明該三廳額設兵共有六千二百餘名雖兵數尙不爲少但苗疆地方遼闊一經分駐塘汛地方多者不過數十名少者僅止五六

名實覺零星渙散今據請將各處塘汛兵丁全行撤出歸入黔楚鎮協及參遊都守營汛駐劄無事則捍衛惟嚴有事則調派亦易足以壯聲援而昭威重應如所奏辦理至塘汛既撤各處聲勢必應聯絡今既據查明辰州爲鎮筵後路中間高村岩門石羊哨爲扼要保靖爲永綏後路中間隆團花園爲扼要瀘溪爲乾州後路中間河溪洗溪爲扼要自應如所奏將該三廳後路中間添建大小城堡駐兵以相犄角其沿邊大路自鎮筵至乾州中間得勝營爲適中之地自乾州至永綏軌者爲適中之地又黔楚交界地方小鳳凰巴茅汛兩處既爲扼要除大路塘汛照舊安設外亦如所奏均應築堡駐兵其嗅腦松桃正大三處大路塘汛自應照舊安

設凡有苗地分防之兵亦應一並酌撤歸入正大嗅腦松桃三處營分以厚兵力再所稱各處營分應否添兵俟全數撤兵時再行核議及四川秀山西陽一帶應否議添亦俟撤兵後另議之處查現在各處塘汛之兵雖經議撤歸入大營兵力較前爲厚但楚省三廳後路及適中之地又黔楚交界扼要之區均經添築城堡將來必需添設大小營分自應酌添兵數其川省西陽秀山一帶既據查明止有參將一員兵力極單是該處亦應添設其應遵

旨添設兵數若干及文武大員將弁若干並分別大小營分作何安設分撥之處統俟畱兵全撤時即可一面撤兵一面將各處應添將弁兵丁酌畱分撥駐守卽免往返派撥之煩而人地久經熟悉於

海國圖志卷三十三
三十一
控馭撫綏尤爲得力事不煩而易集人已習而相安似於添設章程較爲簡便

一苗疆百戶寨長名目應酌量更定一款據奏川黔楚三省如酉陽銅仁等處從前均係土司嗣因呈請歸流始行改設州縣營分統歸文武管轄苗寨內止設百戶寨長以資管束但該百戶向例亦准漢人承充漸有奸蠹無籍之徒從中欺凌生事請於此次賞給翎頂各降苗內擇其明白曉事者每一營分酌設土守備千把外委等員仍由督撫衙門給劄點充並歸文武地方官鈐束其苗境內各塘汛遇有往來文報卽令該土弁挑選苗人按汛遞送並酌給錢糧其因公來往官員需用人夫亦令此項苗人充當照民人之例給予雇價等語查苗疆設立百戶寨長原爲約束苗人起見但該百戶等人微權輕苗眾既不能聽其約束且有漢人承充者難保無奸蠹無籍之徒從中生事自應酌量變通以專責成此次隨同官兵打仗出力給予翎頂之各降苗甚多卽於此內擇其明白曉事眾所推服者照各省土官之例每一營分酌設一二人爲土守備守備之下酌設土千總外委等員俾令管束苗民其額數卽照所管寨落多寡設立仍由督撫衙門給劄點充並歸地方官鈐束如有苗民格鬪竊盜等件卽著落該土弁等緝拏辦理儻遇督撫提鎮查閱營伍時仍核其功過隨時分別獎賞斥革以示懲勸應如總督伯和琳所奏辦理至苗境內塘汛旣經議撤往來文

明有古方古考 卷三 征服上 早

湖南首陽中正考 卷三
報必須照舊遞送方免貽誤其原有塘汛地方令該土弁挑選誠實苗人逐汛安設專司遞送文報並照屯兵之例籌款支給錢糧如遇因公往來官員應用人夫亦令該苗人一體當差給予僱價均應如所奏辦理

一苗疆城垣應分別修理一款據奏苗疆地方跬步皆山惟鎮廳建城之處少爲寬廠永綏形勢彷彿乾州數里之外層疊皆山三廳城垣無可移建之處應於廳城四面緊要隘口添建碉卡並於安設官兵地方一律添築城堡委員勘估分別興工其原舊之楚省三廳貴州之銅仁等處各城及大路不撤塘汛焚燒坍塌者一並勘估修理其苗地各路塘汛均已燒燬毋庸勘辦等語查鎮筸

城四面皆山形如釜底勢甚窄小曾經奉

旨於事竣後令和琳等查勘具奏今據總督伯和琳查明苗疆跬步皆

山沃野之處甚少鎮筸廳形勢極低周圍大山連列城外卽係水道其永綏乾州亦無平坦之地難以移建他處自係實在情形應如總督伯和琳所奏三廳城垣無庸移動至苗地內塘汛之兵旣經議撤應於廳城四面要隘之處添設碉卡駐紮多兵以爲屏障此外如岩門高村石羊哨花園龍團河溪洗溪巴茅汛小鳳凰營等處凡有安設官兵地方均宜一律添築城堡亦應如總督伯和琳所奏與勒保畢沅姜晟馮光熊公同斟酌必須審查地勢扼要據險星羅碁布聯絡聲勢以爲三廳重門保障並卽遴委委員勘

估興築務使工堅料實一律鞏固其原舊楚省之鎮守承綏乾州及貴州之銅仁正大嗅腦松桃四川之秀山各城凡有坍塌鼓裂低薄之處及大路塘汛焚燒坍塌一並核實勘估興修以資捍護而壯觀瞻其已經議撤者毋庸辦理

一苗疆烏鎗等項器械應行收繳一款據奏苗民居住深山向以打牲爲名所蓄烏鎗官所不禁上年查撫降苗收其器械酌給價值黔楚兩省所收烏鎗刀矛已有一萬四千餘件行之頗有成效茲當降苗日多大兵將撤仍令趕緊收繳一律肅清所需銀兩各省公攤歸款器械卽分貯各營備用至苗境出產硝磺處所令地方官嚴查封禁如有偷製火藥者惟各土官是問奸民私買者從

重治罪別經發覺地方官從嚴議處等語查苗民賦性剽悍無不製造烏鎗施放便捷向來地方官不加禁止歷年既久苗寨藏蓄烏鎗甚多此番大加懲創苗民就撫之後自當給價收繳以杜反側之源該督查撫降苗業經派員收買行之有效原可做照辦理一律收繳但苗寨皆在深山窮谷之中苗民等多以打牲爲業所藏烏鎗未必能全行繳出或所派各員奉行不能實力轉恐有名無實應令該督再加斟酌如苗民等希圖得價竟能收繳淨盡或經此番收繳之後苗民不敢從新製造於事亦屬有益此節請仍交和琳妥酌具奏再行核議至苗境內向來出產硝磺卽可配製火藥如果查禁嚴密苗民等無從私製火藥卽便藏蓄烏鎗亦無

所用應如該督所請將苗地出產硝磺處所地方官查明嚴行封禁責成現設各土官隨時稽查如有苗民偷挖硝磺私製火藥等惟該管各土官是問如有奸民向苗民私買硝磺及私行販賣者一經拏獲卽行從重治罪若在他處發覺卽將失查之該地方官從嚴議處以示懲儆

一被難民人亦應分別安頓一款據奏苗寨滋事雖由於客民盤剝地畝但客民之在苗寨亦非一朝一夕所佔田地或用價置買或貨物易換茲因苗匪不法致此等客民全行失業亦未免向隅查客民之內除回赴原籍及逃亡不計外現在就賑之民無籍可歸者請卽准於苗疆以外原係民村隙地酌給搭蓋房屋之資俾

資棲止再令地方官查明戶口分別撫卹聽其照常生理從前苗匪雖因客民盤剝心懷忿恨其實苗地鹽觔布疋等類胥藉客民負販以供日用一概禁止轉多不便嗣後民苗買賣應於交界處所設立場市定期交易官爲彈壓不准用田畝易換物件以杜弊端等語查苗匪構衅雖由客民從前重利盤剝佔耕田畝但屢遭焚搶之後現在客民除回籍遷移之外大抵赤貧失業概行驅逐無以資生亦可矜憫況苗地所需鹽觔布疋等類均藉客民負販就近貿易以資日用過於禁絕苗情轉有不便今總督伯和琳請將此等失業客民查明戶口分別撫卹於苗疆外舊有民村之隙地官爲核給聽向在苗地之漢民居住照常生理尙屬推廣

皇仁又請令嗣後民苗買賣於交界處所設立場市定期交易官為彈壓不准將地畝押抵易換以杜衅端亦可使民苗日久相安不致滋事均應如總督伯和琳所奏辦理惟責令地方官此次查明戶籍之後毋許再有客民潛至苗疆居住一經查出從重治罪並將不行實力查辦之地方官交部嚴加議處以上各條臣等會同悉心核議是否有當伏候

聖鑒訓示施行等因嘉慶元年八月初六日奉旨依議欽此

奏移邊牆以內失業貧民赴來鳳縣承耕入官叛土摺嘉慶二年

湖廣畢 沉

奏為擬移邊牆以內失業貧民赴來鳳縣承耕入官田土恭摺奏祈聖鑒事竊照前伯督臣和琳奏准善後章程內開乾鳳舊有邊牆一道自喜鵲營至亭子關綿亘三百餘里以為民苗之限邊牆以內三廳所屬苗地向來悉係苗產如有漢民侵佔之田應一並查出不許漢民再行耕種又失業民人查明戶口分別撫卹於苗疆外舊有民村之隙地官為核給聽向在苗地之漢民居住照常生理各等因在案臣等查三廳苗境邊牆以外民人漸次復業其邊境以內地畝派委文武會同本營廳員弁會同各路苗弁逐一清查乾

州所屬附近邊牆處所苗人得價賣與漢民受業之田現在陸續開報其鳳永二廳苗民界址亦已飭速清釐惟邊牆以內寄居民人當匪苗起事時俱被焚掠紛紛逃散今將所有田土悉歸苗業伊等乏術營生現雖沾沐

鴻慈展賑暫圖口食終非久計查永順府屬之龍山界連湖北來鳳縣距三廳不及四百里來鳳勦辦教匪所遺叛產前經督_臣福康安奏明查出入官在案第該處山深土瘠地廣人稀且經兵燹之後一時招種乏人拋荒可惜不若移失業之貧民就未耕之曠土實屬一舉兩得_臣等已派委糧道吳蘭蓀帶同委員前往該處查勘相度一面查明此項民人戶口造具清冊合先恭摺籲懇如蒙

俞允酌給盤費房價卽令該民人等移赴棲止趁此農工甫起正可趕種夏禾該民人等仰叨

疇覆生成並無涯涘除妥議按戶口酌撥畝數承種及令按則輸糧撥餉之地仍請入官各緣由另行造具花名清冊一並咨部查核並繕疏具題外伏乞

皇上恩准施行謹奏嘉慶二年四月初五日奉

硃批軍機大臣會同該部議奏欽此
再前任安徽巡撫陳用敷仰蒙

恩命遣令赴楚效力_臣等卽奏明派在辰州總局籌辦軍需並往大營事事盡心竭力從不稍辭勞瘁前經和琳以其見識開展人品端

方承辦一切均屬認真甚為得力奏明俟軍務全竣再行請
旨施恩等因咨會在案臣等查陳用敷雖年逾六旬而精神強健自抵
楚南已及兩年無刻不感激

天恩力圖報稱盡心籌辦經理軍需毫無貽誤其自罰銀三萬兩早於
限內全數完繳茲當苗疆大功告竣自應查照和琳知會據實奏
明請

旨施恩為此奏

聞伏祈

聖鑒謹奏奉

硃批著送部引見欽此

再臣姜晟在乾州會同委員督飭分頭勘辦城堡各工清理苗民
界址安頓歸業均已辦有端倪緣保靖永順兩縣境內苗人前被
匪苗勾結蹂躪民村嗣經臣與畢沅陸續招撫甯貼其閒如古丈
坪白棲關田家銅羅衣溪等處緊要隘卡應須親履查勘隨自乾
州起程由鎮溪所喜鵲營葫蘆寨塗乍河一路看視糧臺堡工自
喜鵲營六十里至保靖縣城經過該縣所屬六都沿途苗寨均有
弁目接替迎道察看情形極為甯謐量加賞賚亦均感悅及抵保
靖查視城伍營卡又自保至古丈坪察看修建衙署倉廩各工程
現與臣畢沅鄂輝會商將必需舉辦之處樽節辦理其別處民苗
仰藉酌給籽種漸起農功氣象均臻安適實已處處安常足慰

宸廑茲_臣於初二日回辰後與藩司鄭_臬司清安泰等酌定清理辰局要款章程藩司即於初七日起身回省_臣現督飭局員查催各站員領款出入實數清冊詳細察核以憑移赴省垣設局彙辦報銷理合繕片奏

聞奉

硃批覽欽此又奉

旨畢沅等奏苗疆添設營汛官兵及修城築堡酌給新設苗弁餉銀各摺此等善後章程既經畢沅等分摺具奏自應核議施行但地方事件有治人無治法從前湖南省苗疆各鎮一切設汛安兵何嘗不係前人妥爲布置規模祇因地方大小各官因循廢弛不能實力整頓

以致苗匪勾結滋事邪教乘隙作亂即如湖北省邪教肆擾本係民人該省豈無文武管束彈壓乃任其煽誘蹂躪輾轉奔竄至今尙未掃除淨盡可見楚省地方滋擾不甯總由封疆大吏等日久懈弛未能撫輯得宜所致此次定議之後若仍不實力奉行仍屬具文塞責何以垂永久而靖苗疆除從前該省貽誤各員另降諭旨查辦外所有畢沅等奏到各摺報著交軍機大臣會同各該部詳悉核議具奏欽此

奏撤調湖南官兵前赴苗疆彈壓摺
 嘉慶三年
 奏為撤調湖南官兵前赴苗疆彈壓恭摺奏
 聞仰祈 聖鑒事竊 臣於七月初八日接准提督王柄札會鎮守右前兩營黑苗
 因見秋成欲圖出外搶割田禾輒敢糾眾數千人於六月二十四
 五等日將三角岩龍滾營曬金塘三處營卡攻破守備殺賊陣亡
 其乾州所屬之舊司坪木林坪等處營卡亦被攻破現在灣溪強
 虎哨得勝營等卡圍裹道路阻塞該提督業已酌調官兵前往堵
 剿等情 臣查苗疆戡定以來仰蒙

奏撤調湖南官兵前赴苗疆彈壓摺

嘉慶三年

湖廣景安
總督

奏為撤調湖南官兵前赴苗疆彈壓恭摺奏

聞仰祈

聖鑒事竊

臣

於七月初八日接准提督王柄札會鎮守右前兩營黑苗
 因見秋成欲圖出外搶割田禾輒敢糾眾數千人於六月二十四
 五等日將三角岩龍滾營曬金塘三處營卡攻破守備殺賊陣亡
 其乾州所屬之舊司坪木林坪等處營卡亦被攻破現在灣溪強
 虎哨得勝營等卡圍裹道路阻塞該提督業已酌調官兵前往堵
 剿等情 臣查苗疆戡定以來仰蒙

皇上宥過施仁屢加

恩卹並設立苗弁修築卡屯以資彈壓實已恩威並用周備無遺乃苗性犬羊復敢糾眾滋擾殘害弁兵實爲可惡臣現在堵禦川匪正當喫緊之候似不便捨此而去接閱之下不勝焦灼之至刻下提督王柄已帶兵前往撫臣姜晟接據稟報自亦赴辰籌辦該撫等熟習苗情佈置自能妥協惟兵力必須充裕庶可震懾賊苗今春因教匪由川入楚臣曾奏調湖南官兵二千名均係下游之澧州等營官兵除額勒登保分帶一千赴陝追擊其餘一千名交總兵王凱帶領駐防川東邊界此時南省亦在需兵之際臣已飛調回南聽姜晟調遣所有川東邊境酌添健勇以資堵截勦捕其額勒

登保帶去之湖南兵一千名現在勦捕正急恐不能遽行撤回臣已咨會勒保察看情形卽於川省酌派官兵前往換回以期有備無患臣查苗情本多反覆而黑苗尤爲兇悍難馴究其所欲不過貪圖搶割民田其實別無伎倆且亦不敢遠出滋擾此時正當勦捕教匪之候不能因此復興大兵臣已密囑姜晟王柄督率官兵奮力疏通道路並將得勝營等處迅速解圍後卽於苗疆扼要處所分佈兵勇絕其奔竄之路如此則藩籬既固卽不能蔓延爲害一面隨時相機勦仍查明首逆名目鼓勵各寨安靜苗弁協同官兵設法誘擒一得渠魁其餘黨夥卽易於解散仍俟大勢稍定再將同惡共濟有名匪苗一一究明責成苗弁人等全行縛送俾

抵於法似於大局有裨儻該苗匪罔知畏懼敢於始終抗拒俟教
匪勦捕完竣再移得勝之師併力痛殲不難一鼓集事臣愚昧之
見是否如此伏候

聖主訓示遵行謹繕摺具奏伏乞

皇上睿鑒謹

奏

再臣接據探報賊匪張漢潮等尙在川省大坪一帶盤擾無定其
鄖陽等處亦有賊匪往來奔竄均與楚境不遠臣現在房竹邊界
督率嚴防俟佈置周密交與襄陽鎮臣路超吉督防臣查探賊蹤
再行赴勦南路歸巴等處率同提臣文鎮臣王凱安爲籌辦合

行附片陳明謹奏嘉慶三年七月十八日奉

上諭景安奏鎮筓黑苗因見秋成欲圖搶割糾眾致將三角岩等處營
卡攻破並圍裹灣溪等卡一摺覽奏已悉苗性本多反覆此次糾眾
搶割民田不過欲圖掠食自不敢遠出滋擾現當勦捕教匪吃緊之
際斷不可因此興兵大辦景安所奏於扼要處所堵截一面隨時雕
勦設法誘擒等語所見尙未得當現在王柄已帶兵前往姜晟聞信
自亦卽馳赴該處籌辦但此等悍苗糾搶或別有起衅根由未必敢
於滋事姜晟王柄此時惟當持以鎮靜妥爲酌辦前此辦竣苗匪後
三廳地方俱設有苗弁分段管束此時自當照從前辦理郭羅克尖
壩事例惟嚴兵示威飭令該苗弁等自行曉諭解散如能鼓勵各寨

苗弁將爲首苗匪縛獻餘眾散歸苗寨其事即可完竣儻苗匪怙惡不悛仍前抗拒姜晟王柄亦惟當督率鎮將調集官兵於各要隘處所逐段分佈懾以軍威不使肆出滋擾斷不可深入苗境一俟川省勦辦完竣再酌移勝兵前赴該處搜勦自不難一鼓殄平此事總在姜晟等駕馭苗弁妥速辦竣不可輕率舉動又致激成事端方爲妥善至景安現在房竹歸巴一帶督率防堵亦關緊要惟當酌量情形如川匪辦竣或距楚北邊境稍遠可以分辦此事再親身前赴湖南督同辦理固屬妥善儻姜晟等在彼足資料理而房竹歸巴一帶難以遠離景安自不便舍之遠去以致顧此失彼想該督自能斟酌妥辦仰副委任也將此由六百里加緊又緊各傳諭知之仍著姜晟王

柄將如何設法堵禦及苗匪是否已經解散情形加緊又緊迅速馳奏以慰厘注欽此

奏為鎮守右營黑苗糾眾滋擾旋已解散摺
嘉慶三年

奏為鎮守右營黑苗糾眾滋擾旋已解散摺

嘉慶三年 湖南 巡撫 姜 晟

奏為鎮守右營黑苗糾眾滋擾旋已解散及現在辦理緣由恭摺奏

祈

聖鑒事竊臣富志那辰沅道成甯報稱該處前營各寨

花苗均屬安靜惟右營黑苗因見民地禾稻成熟欲圖搶割糾匪
攻撲高樓哨汛卡業經兵勇擊退復於六月二十三日猝犯澎水
井攔截要路附近之三角岩龍滾營二處小汛弁兵無多致被冲
過而曬金塘為各苗出入必經之路弁兵阻遏不住被其梗塞並
擾及得勝營灣溪等處又接提臣王柄札會親帶兵三百名就近

湖廣通志卷三
五
前往辦理一面調派各營兵一千二百名以備防堵各等情臣查高樓曬金塘得勝營一帶二十餘里係鎮筸至乾州大路逼近黑苗寨落設有大小營卡數處此次黑苗聚集匪眾圖割民田禾稻雖近在沿邊大路二十餘里以內但視前此潛出劫掠隨時捕獲辦理各案較爲兇橫且據稟有幼童報稱曬金塘守備張棟被害經鎮道等通稟提臣一面親往一面札會到臣正擬卽行馳赴旋接鎮道等續報查係右營黑苗互相驚懼已漸解散餘苗皆未附和未便遽涉張皇因卽委臬司清安泰令其親赴鎮城相機會辦及接提臣抵鎮後來札得勝營一帶已無匪苗侵擾現派將弁督率兵勇嚴密隄防苗匪不致外竄並接瀘溪麻陽二縣疊次來稟

境內照常甯謐居民在外刈穫毫無驚擾等情大概事已安定卽可平復查鎮筸右營黑苗所居山多地少前在瀘麻所屬附近民村傭工度活者儘多今自戡定以後不敢復出民間亦不雇用本年苗地雖屬有收而無業貧苗乏計營生起意糾搶田禾肆其滋擾自應乘此兵威設法妥辦業囑臬司與提督鎮道公同籌辦俾臻久遠又安並責令苗弁獻出首從各要犯究理現據臬司抵辰來稟探知提督到鎮已傳苗守備吳龍登等前往解散苗情並不鴟張無難就緒當已馳赴鎮筸等語俟該司抵筸會辦定局另行恭摺具奏外所有右營黑苗糾眾圖搶民禾據報解散現在酌辦緣由謹由驛奏

聞伏乞

皇上聖鑒謹

奏嘉慶三年七月二十九日奉

上諭姜晟奏鎮守滋事黑苗解散一摺覽奏已悉此事前據景安奏到即經降旨照從前辦理郭羅克尖壩事例嚴示兵威飭令該苗弁等自行曉諭解散如能鼓勵該管苗弁將首惡縛獻餘眾散歸原寨其事即可完竣今姜晟於接據鎮道稟報即令臬司清安泰馳往相機會辦並令苗弁吳龍登前往解散責令苗弁獻出首從各要犯與前降諭旨尙合亦祇可如此辦理吳龍登本係降苗節次加恩令其前往曉諭自必倍加出力著賞給緞疋該撫等惟當轉飭鎮道鎮靜妥

辦一俟首犯獻出即可無事不必稍涉張皇致滋擾累至鎮守至乾州一帶逼近苗寨地方大小營卡原設官兵未必得力總當挑選壯健兵勇逐段分佈嚴密巡查勿使苗匪乘閒竊出滋事以資控制將此由六百里加緊又緊傳諭姜晟等並諭景安等知之仍即將該苗弁等如何遵照曉諭縛獻賊事之處加緊又緊迅速具奏以慰廑注欽此

奏為遵旨覆奏查辦鎮筸右營黑苗情形摺
嘉慶三年
 湖南巡撫姜晟
 奏為遵旨覆奏查辦鎮筸右營黑苗情形摺
嘉慶三年
 湖南巡撫姜晟
 奏為遵旨覆奏查辦鎮筸右營黑苗情形摺
嘉慶三年
 湖南巡撫姜晟

奏為遵

旨覆奏查辦鎮筸右營黑苗情形摺

嘉慶三年

湖南巡撫姜晟

旨覆奏並陳現在查辦情形仰祈

聖鑒事竊臣接准軍機大臣字寄欽奉

上諭景安奏鎮筸黑苗因見秋成欲圖搶割糾眾將三角岩等處營卡
 攻破並圍襄灣溪等卡一摺覽奏已悉此等悍苗糾搶或別有起衅
 根由未必敢於滋事姜晟王柄此時惟當持以鎮靜妥籌酌辦飭令
 該苗弁等自行曉諭解散如能鼓勵各寨苗弁將為首苗匪縛獻餘
 眾散歸苗寨其事即可完竣仍將如何設法堵禦及苗匪是否已經
 解散情形迅速馳奏以慰廑注等因欽此欽遵寄信到臣伏查鎮筸

右營黑苗因見民田禾稻成熟欲圖糾眾搶割六月二十四五等日在苗巢附近之清溪哨得勝營曬金塘一帶糾眾肆擾旋據續報勢已渙散及聞提臣赴算羣匪畏懼即漸斂跡臣恐遽涉張皇隨委臬司清安泰馳往隨同提臣等會商妥辦迨該司抵算以後提臣業已扼要布置張示兵威各匪苗全行解散並自知獲罪跪求苗備吳龍登等懇恩乞命提鎮司道當令縛獻各犯究治經臣於七月十六二十四等日節次奏

聞日來接據稟報苗備等現在趕緊設法擒獻首從各犯事已即可完竣等因惟查苗疆戡定已久民皆安業知永綏乾州二廳所轄及鎮算中前一營苗人俱屬安靜惟右營之苗不能一律守分雖

未遠出滋事而逞其犬羊之性糾眾圖搶誠如

聖諭

惟當持以鎮靜妥為酌辦未便輕舉率動至苗弁亦非盡屬良善聞有糾眾出搶者並有平日不能約束事後獲犯獻功圖賞者必須善為駕馭以期綏靜又安臣與鎮道等札贖往來惟以此意諄致前於臬司清安泰赴鎮時又詳細囑其與提臣鎮道熟商籌辦多集曉事苗弁真切開導動其畏懷之實心並飭地方官妥為拊循示以誠信仍嚴密防堵不使稍有肆越一俟辦有端緒臣即當乘勘驗功程之便親加巡歷撫馭務期匪苗咸臻向化久遠綏靜上紓

宸注合將現在查辦情形恭摺覆奏伏祈

湖南直隸司正考 卷三 三
皇上聖鑒謹

奏

臣等竊查苗匪滋事黑苗招
嘉慶三年 湖廣王 柄
奏為遵 旨覆奏解散滋事苗匪及辦理情形恭摺奏祈
聖鑒事竊 奴才 於本年七月二十六日奉到 上諭景安奏鎮
守黑苗因見秋成欲圖搶割糾眾數千將三角岩等處
營卡攻破並圍裹灣溪等卡現在王柄已帶兵前往著將如何設法
堵禦及苗匪是否已經解散情形加緊又緊迅速馳奏等因欽此竊
奴才 前接准鎮 富志那辰沅道成甯來札當即酌調官兵分赴
鎮乾二路防堵一面馳赴鎮守相機酌辦業經查明伯督 景安
撫 臣 姜晟先後恭摺奏

覆奏解散滋事黑苗招

嘉慶三年

湖廣王 柄

奏為遵

旨覆奏解散滋事苗匪及辦理情形恭摺奏祈

聖鑒事竊

奴才

於本年七月二十六日奉到

上諭景安奏鎮守黑苗因見秋成欲圖搶割糾眾數千將三角岩等處

營卡攻破並圍裹灣溪等卡現在王柄已帶兵前往著將如何設法

堵禦及苗匪是否已經解散情形加緊又緊迅速馳奏等因欽此竊

奴才

前接准鎮 富志那辰沅道成甯來札當即酌調官兵分赴

鎮乾二路防堵一面馳赴鎮守相機酌辦業經查明伯督 景安

撫 臣 姜晟先後恭摺奏

湖南直隸司正考

卷三

征服上

三

聞奴才於抵箠時查詢得勝營大路尙未疏通隨商同鎮道派令遊擊王文選由高樓哨引兵截住澎水井阻路之賊同知傅甬帶領兵勇由古沖白泥田等處小路繞赴得勝營會同遊擊施聯科悉心奮擊其灣溪一路經副將阿林布督兵兩面夾攻苗匪初猶抗拒兵勇分投齊進俱各奮勇爭先極力勦殺殲斃苗匪百餘名帶傷者無數賊勢不能佔據大路俱紛紛潰散奴才以此次匪苗攻圍營卡聚黨甚眾若持之太急則各寨疑慮轉致固結難圖自應示以兵威先將黨羽解散以次設法妥辦適撫臣姜晟奏令臬司清安泰到箠奴才隨公同酌商喚令苗備吳龍登傳集前右兩營苗弁前來面加詰訊滋事緣由據稱各寨無業窮苗一時糾黨搶

割民田稻穀人數甚多勢難禁止獲咎甚重惟求施恩等語奴才等復開誠布公責其身爲苗弁不能管束散苗本應重辦姑令爾等務將在外滋事匪苗全行收回嚴加管束查明爲首並同惡共濟要犯卽行縛獻庶可以贖前愆該苗弁等各承認遵辦回寨日內匪苗均已斂跡得勝營一帶甚爲安靜但苗性反覆殊難深信且窮苗甚眾貪饕無厭難保其不復竊出滋擾必須嚴密防堵以固藩籬查得勝營至乾州大路內三角岩龍滾營曬金塘舊司坪等處營汛均已收復現在酌添兵勇礮卡聲勢卽可聯絡其狗爬岩至乾州一路爲辰麻瀘浦屏障各要隘處所尤須添建礮卡多設兵勇使苗匪不致外竄地方庶可久安奴才現同鎮臣富志那

臬司清安泰辰沅道成甯酌將官兵妥爲布置現在防兵不敷分撥卽就近召募鄉勇以資防範並可隨時相機雕勦仍一面鼓勵苗弁協同官兵一體上緊查拏務將此案起事首犯擒獲盡法處治以示懲儆除將連次拒賊傷亡官兵查明造冊送部外所有才遵

旨覆奏馳抵鎮筵解散滋事匪苗及辦理情形理合由驛馳奏伏祈皇上聖鑒謹

奏嘉慶三年八月初七日奉

上諭王柄奏解散滋事苗匪一摺該處無業窮苗糾黨搶割田穀經王柄等帶兵到彼勦殺解散附近苗眾俱已斂戢道路疏通現在曉諭

苗弁縛送要犯並將要路酌添兵勇以資防範亦祇可如此辦理本日又據姜晟奏到黑苗解散情形及令苗備吳龍登等擒獻首犯緣由與王柄所奏大略相同吳龍登本係降苗節次加恩此次令其前往曉諭自必倍加出力姜晟王柄惟當督飭司道鎮將等鎮靜妥辦一俟首犯獻出卽可完事至鎮筵乾州一帶營卡仍遵前旨挑選壯健兵勇逐段分佈嚴密巡防勿任苗匪乘閒竊出滋事方爲妥善至姜晟奏蒲圻教匪滋事飭令道府等於相近地方防禦一節該處匪徒聚眾搶掠人數無多昨據高杞奏已攻得賊卡右邊山梁賊勢漸蹙務卽乘此聲勢速行搜勦將首惡王添萬劉肇開等及黨惡犯一並拏獲安輯民居解散餘黨勿令賊匪稍有煽誘蔓延外省習氣遇

有地方搶劫小事往往張大其詞以爲見長邀功地步至激成事端則又心存畏葸束手無策高杞初任巡撫年少高興尤當引以爲戒不可存貪功之念致有株連擾累所有湖南撤回兵一千名姜晟已咨會高杞預備撤調著傳諭該撫酌量情形如必須此項兵力方可調用儻現在足資勦捕卽當飭令歸伍不可因有此項兵丁可調張皇生事也該撫一俟該處辦竣後卽遵前旨馳赴歸巴一帶擇要防堵爲是至景安仍當隨時指示以期綏靖地方將此傳諭知之仍將黑苗首犯曾否獻出及清圻教匪已經擒捕完竣各情形加緊迅速馳奏以慰廑注欽此

會奏拏獲滋事匪苗審明辦理摺

嘉慶三年

湖南巡撫姜晟
湖廣總督王

奏爲拏獲滋事首從匪苗審明辦理現已安輯緣由恭摺奏聞事竊照鎮筸右營黑苗糾眾圖割民禾旋經堵截解散緣由經等先後奏蒙

睿鑒在案

臣等遵奉

聖訓一面於鎮筸乾州一帶添布兵勇嚴密巡查一面鼓勵各寨苗弁飭將爲首匪苗縛獻並督率廳營兵勇設法誘擒旋據苗備吳龍登拏獲磨岩寨爲首匪苗龍滿爾天星寨匪苗龍老三解送前來

臣王柄會同鎮

臣

富志那臬司清安秦辰沅永靖道成甯公同究

明

卷三

征服上

卒

出此案首夥要犯共十二名內除吳才保吳老兩廖牟兒三犯據供已被官兵臨時鎗斃外其餘有名各犯復密飭苗弁分赴各寨並派令兵勇在於隘口留心偵緝嗣據苗弁吳龍登縛獻龍老庚龍老五二名又據同知傅鼐遊擊王文選等拏獲吳老有廖老華吳老省吳老哄麻老記五名到案臣等研訊據龍滿爾等將因見秋成豐稔起意出外搶割民田稻穀商同吳老有吳才保等糾約出搶在於各處集場揚言遂有無業窮苗聞風希圖搶割獲利聚眾肆出滋擾抗拒官兵等情供吐不諱臣等查龍滿爾吳老有係起意首犯而龍老三等七名互相糾匪濟惡均屬罪不容誅惟查此次滋事黑苗前經鎮道查訪通稟多係苗備龍世昌所管寨落

並聞該苗備卽係此案首犯及吳龍登帶同各寨苗弁來鎮稟龍世昌卽在其內當經詰以因何起事緣由不特該苗備極口呼冤供稱若係滋事首犯豈肯投案自羅法網卽吳龍登及各備弁僉稱龍世昌現在協同誘擒首惡解散餘匪極爲出力等語是該苗備實非此案首犯尙屬可信除剴切曉諭令其與眾苗弁一同回寨妥爲約束散苗外所有現獲首犯旣經審明卽派委文武員弁監視綁赴市曹將首犯龍滿爾吳老有二名凌遲處死糾眾聚惡之龍老庚龍老五廖老華吳老省吳老哄麻老記七名俱卽處斬梟示以昭炯戒吳老保吳老兩廖牟兒查明實已先經鎗斃應毋庸議其餘隨同出擾匪苗畏罪斂跡苗境安輯如常免其深求以

仰副

皇上有過施仁之至意苗備吳龍登遵

旨賞給緞疋各寨出力苗弁亦均加賞賚以示獎勵仍飭各按所管寨

落嚴密約束並飭地方各官善為駕馭務使苗眾畏威懾服永遠

乂安以紓

宸廑所有拿獲滋事首犯匪苗辦理緣由理合繕具供單會同伯督

景安恭摺馳奏再王柄於辦竣後與臬司清安泰於二十日自

鎮算起行現已各回本署合併陳明謹

奏

會奏勦辦鎮算右營舊司坪寨苗吳陳受等摺 嘉慶四年

湖南提督王柄
鎮算總辦富志那

奏為會籌添調官兵截擊匪苗旋經生擒首逆審明緣由恭摺具

奏仰祈

聖鑒事竊照鎮算右營舊司坪寨苗吳陳受糾合眾匪於九月內連次

攻撲礮卡勢甚凶勇沿邊數十里礮卡空隙處多原設兵勇恐不

足資抵禦臣富志那與道廳將備等就近添集壯丁土民及土塘

苗兵分佈協同堵禦匪苗十餘次攻撲不動勢漸解散嗣據督

倭什布據報具奏臣姜晟欽奉

諭旨由湖北德安府來南會同籌辦於十一月初十日馳抵辰州與

王柄晤商因該處漸臻安謐惟當遵

旨擒辦首逆並嚴堵卡隘不使復擾若撫提同時會合前進轉致民苗

疑議臣姜晟先於十二日自辰起身順道巡閱瀘麻地方十七日抵鎮寧城臣富志那以舊司坪曬金塘一帶沿邊寨苗屢肆滋擾須乘此時多調官兵雕勦幾寨方知畏懼臣姜晟因該處苗寨亦有良莠不齊且苗人氣類相通恐致不能歇手莫若固我邊圉示以兵威擒獲首夥要犯嚴辦示懲隨查前次調集壯丁苗兵先已撥回一千名商定提鎮兩標附近營內各調兵五百名以補其數俾苗匪知有調兵之信自加震懾一面知會臣王柄照數酌派一面傳到右營素能辦事苗弁二十七人吳龍登因老病目昏久未

出寨令其子及孫並婿前來臣等面加諭飭並令廳營詳悉開導令其設法務獲首惡去後臣查曬金塘舊司坪距鎮城七十餘里而去乾州僅二十里自應前詣乾州城畱駐就近督飭備辦旋於二十六日起行由得勝營一路閱視礮卡工程大路在東苗寨在西隔溪河劃界甚爲得勢二十七日午刻行近舊司坪地方有苗人在對河喊嚷投遞呈詞大意求赦苗人罪孽若再滋擾自干認罪死而無怨等語所言雖未足深信既據呈懇因令苗弁往傳具呈之吳大老滿八人面訊旋據傳到吳老吼吳毛鐵吳老七三人餘俱畏罪未至訊據吳老吼等供與呈詞無異當加曉諭釋回鳳凰廳同知傅鼐因臣與鎮臣俱會密諭誘擒首惡隨乘機往與遊

擊施連科守備藍枝鳳千總林勝仲商定飭令苗弁進寨勸諭各寨苗人令其就近齊集營卡飲血具結以便代求饒恕苗弁往復數回各寨始聚有五六百人於初三日至卡吳陳受亦在其列該同知遊擊預先設備面令飲血後羣苗俯伏求恩該同知等當眾宣示爾等本皆罪應坐死今據情切哀求當懇大人奏聞

大皇帝開寬大鴻恩至吳陳受爲首糾眾攻卡傷人罪不容誅當將吳

陳受擒縛餘苗釋令回寨候示俱感服散去將該犯解送到乾王柄於初四初七等日先後來抵乾州等會同督率護辰沅道田灝乾州協副將阿林布並鳳乾兩廳直隸同知監提該犯到堂嚴加鞫審據將此次糾約各寨匪苗攻撲礮卡希圖出外搶掠及

前此乾隆六十年在岩口等處拒殺官兵各情不諱該犯額角及左耳近上有鎗傷舊痕二道當令曾與識面之弁兵認識無疑等卽派令辰沅道乾州協副將傅集眾苗弁眼同看視將該首惡吳陳受綁赴市曹照大逆律凌遲處死以彰

國法仍梟首懸示寨口俾苗眾觸目知警並嚴切出示遴派能事苗

弁持赴沿邊各寨內張貼曉諭俾良莠各苗咸知感畏查鎮草三營苗情右營較中營前營爲難治而右營沿邊之曬金塘舊司坪等十餘寨較腹裏眾苗人更加窮悍蓋緣該處山多田少又與瀘麻二邑毗接六十年以前窮苗出赴瀘麻境內受雇傭工覓食者甚多路徑熟悉今自軍功告葢以來窮苗不能出入覓

工輒思糾約滋擾冀圖搶掠民屯閒被戕害人口實堪痛恨鳳凰廳同知傅鼐年來恢復民人田畝並爲築壘謀其居室農具歸業之民數萬均已安居而上年曬金塘匪苗滋事之後與遊擊王文選會商自得勝營以至乾州灣溪縣延四十餘里趕緊添築礮卡聲勢聯絡此次吳陳受糾眾攻撲迄未越入邊境皆得其力現又勘明空隙要隘處所剝壕築牆計日工竣茲屆殘冬吃緊之時所有添調兵丁一千名陸續到營與先經調集之壯勇一千五百名臣王柄富志那酌定分派五股安設最要隘口互爲聲援端備截擊匪苗出沒官兵丁勇等實力堵截示以賞罰勿致疏懈如匪苗再有怙惡不悛臣王柄富志那當酌量雕勦使知畏懼以仰副我

皇上恩威並用綏靖苗疆之至意所有擒獲首惡審明正法並添調兵

勇實力防範緣由臣等合詞恭摺具

奏再臣

自湖北回南徑由常德辰州而至鎮筄乾州一路晴雨勻調宜麥之區均經種植蔬菜亦均蕃廡鎮筄城垣及鳳凰營堡工現已計期竣事乾州城工已完係用近山青石大塊砌築周圍驗閱鞏固異常鎮乾兩處民居鋪屋稠密可觀乾州苗情安戢惟南鄉民戶因毗接鎮筄右營屢被匪苗擾及秋成雖收租穀尙未悉數安居茲右營沿邊礮卡已佈置緜密可杜匪患該廳營現在會同趕築壘堡添補礮卡護衛便臻一律綏靖矣茲臣於拜摺後卽自乾城起行回返辰州料理一兩日仍卽起程由荆襄一帶北行赴

關瞻觀

天顏跪領

聖訓理合繕片奏明謹

奏嘉慶四年十二月十八日奉

上諭據姜晟等奏調兵截擊匪苗生擒首惡審明辦理一摺覽奏慰悉此次舊司坪寨苗吳陳受糾合眾匪搶奪滋事實屬不法經姜晟帶兵馳赴該處會同王柄等商辦一面示以兵威一面傳集苗弁面加曉諭並令廳營詳悉開導令其設法擒獲首惡苗眾畏懼遞呈求救該督等卽傳集眾苗將爲首糾眾攻卡之吳陳受一犯擒縛並令眾苗眼同將吳陳受按律凌遲處死梟示餘苗釋令回寨辦理妥協實屬可嘉姜晟著賞加太子少保銜仍交部從優議敘同知傅鼎設法將首犯擒獲尤爲出力著賞給知府銜如無花翎卽行賞戴遇有缺出卽行補用仍交部議敘遊擊施連科守備藍枝鳳千總林勝仲隨同出力俱著以應升之缺升用仍交部議敘欽此

旨議敘事議得內閣抄出嘉慶四年十二月十八日奉
 上諭據姜晟等奏調兵截擊匪苗生擒首惡審明辦理一摺覽奏慰悉
 此次舊司坪寨苗吳陳受糾合眾匪搶奪滋事實屬不法經姜晟帶
 兵馳赴該處會同王柄等商辦一面示以兵威一面傳集苗弁面加
 曉諭並令廳營詳悉開導令其設法擒獲首惡苗眾畏懼遞呈求救
 該督等即傳集苗眾將為首糾眾攻卡之吳陳受一犯擒縛並令眾
 苗眼同將吳陳受按律凌遲處死梟示餘苗釋令回寨辦理妥協實
 屬可嘉姜晟著賞加太子少保銜仍交部議敘同知傅鼐設法將首

兵部覆前案議敘

嘉慶五年三月准咨

兵部為遵

旨議敘事議得內閣抄出嘉慶四年十二月十八日奉
 上諭據姜晟等奏調兵截擊匪苗生擒首惡審明辦理一摺覽奏慰悉
 此次舊司坪寨苗吳陳受糾合眾匪搶奪滋事實屬不法經姜晟帶
 兵馳赴該處會同王柄等商辦一面示以兵威一面傳集苗弁面加
 曉諭並令廳營詳悉開導令其設法擒獲首惡苗眾畏懼遞呈求救
 該督等即傳集苗眾將為首糾眾攻卡之吳陳受一犯擒縛並令眾
 苗眼同將吳陳受按律凌遲處死梟示餘苗釋令回寨辦理妥協實
 屬可嘉姜晟著賞加太子少保銜仍交部議敘同知傅鼐設法將首

犯擒獲尤爲出力著賞給知府銜如無花翎卽行賞戴遇有缺出卽行補用仍交部議敘遊擊施連科守備藍枝鳳千總林勝仲隨同出力俱著以應升之缺升用仍交部議敘欽此欽遵抄出到部查湖南舊司坪寨苗吳陳受糾眾搶奪經湖南巡撫陞授湖廣總督姜晟等帶兵馳赴該處卽將吳陳受擒縛正法餘苗釋令回寨辦理實屬妥協欽奉

諭旨交部從優議敘_臣等酌議請給與姜晟軍功加一級軍功紀錄五次同知傅鼐設法將首犯擒獲尤爲出力遊擊施連科守備藍枝鳳千總林勝仲隨同出力欽奉

諭旨俱著交部議敘_臣等酌議均請各給與軍功加一級等因嘉慶五

年二月十三日題本月十五日奉

旨姜晟著軍功加一級軍功紀錄五次同知傅鼐首先設法查拏首犯吳陳受出力可嘉除照部議軍功加一級外著加恩再給予軍功紀錄二次餘依議欽此

湖南巡撫祖之望
奏為三廳散苗間出搶掠節經擒獲分別懲辦地方甯謐恭摺彙奏
仰祈
聖鑒事竊苗疆甫經戡定馴悍不齊大率其性貪頑見利即競趨小創
則斂退現當釐定界址劃清民業之時本非其所樂從尤應加意
防範臣等札牘往來節經諄囑鎮道廳協等務使壘卡聲勢聯絡
兵力守望相助未來嚴為之防毋令漏越既來痛加懲創俾知無
利可圖既退勿使窮追致墮奸計自無所施其技並經臣祖之望
恭錄欽奉

會奏勦辦三廳散苗吳老麻等摺

嘉慶五年

湖南巡撫祖之望
湖廣提督王

奏為三廳散苗間出搶掠節經擒獲分別懲辦地方甯謐恭摺彙奏

仰祈

聖鑒事竊苗疆甫經戡定馴悍不齊大率其性貪頑見利即競趨小創

則斂退現當釐定界址劃清民業之時本非其所樂從尤應加意

防範臣等札牘往來節經諄囑鎮道廳協等務使壘卡聲勢聯絡

兵力守望相助未來嚴為之防毋令漏越既來痛加懲創俾知無

利可圖既退勿使窮追致墮奸計自無所施其技並經臣祖之望

恭錄欽奉

殊批訓誨安苗之道持以鎮靜若有漢奸盤剝民苗者必當痛懲勿存邀功之念亦勿存畏懦之念有犯必辦無事莫擾等因移行欽遵恪守安辦在案茲據乾州協副將阿林布同知閻廣居稟報有麻裏灣匪苗吳老麻吳老瘦圖佔強虎汛附近民田經苗弁吳老季理諭不服糾集多人將該弁打傷並鎗斃苗兵一名阿林布當卽帶領兵勇追捕傷斃匪苗八名生擒首犯吳老麻吳老瘦旋亦因傷殞命戮取首級梟示其餘隨行散苗畏罪乞命飭交苗弁管束受傷兵勇各二名給予銀兩養傷等語並接准鎮筓鎮臣富志那札報及護辰沅道傅鼎來稟內開四月初旬有匪苗疊次至傅家壩若岩江附近一帶阻耕奪牛俱經督率兵勇擊退先後傷斃匪苗

三十餘名奪回牛隻給還農民現添卡巡防不使逸出受傷兵丁五名鄉勇四名傷斃兵丁一名鄉勇三名現先籌給賞卹養傷銀兩等因又准綏靖鎮臣魁保札報保靖新寨籠多地方有永綏七里匪苗偷越焚掠斃傷民人八名並據永綏同知王廷煥稟同前臣隨飛移鎮臣魁保並札飭護辰沅道傅鼎將被害人口妥爲撫卹一面責令苗弁擒獻匪犯開示威信不可輕爲舉動致涉張皇並飛飭新調辰沅道鄭人慶馳赴熟商妥辦旋准提臣王柄鎮臣魁保各札會已據苗備龍八月等稟懇願將滋事匪苗縛獻隨同文武員弁統率苗弁將首犯吳流計夥犯吳後三等三十六名獲辦並盤獲漢奸朱光明一名臣等又札飭該道鄭人慶會同確

湖南直隸武正考 卷三
審期於無濫無縱所獲漢奸尤應盡法處治以示懲戒俟審明辦理後另行會奏外臣等查各處散苗皆因耕作之時先後分出圖搶事非一時地非一處臣等確加查訪並非同時糾夥肆出滋擾今於旬月之間罪人均各就獲辦理尙爲安速並查據各礮卡加意巡防苗情益覺帖服合將節次懲辦匪苗緣由會同提臣王柄合詞恭摺具奏伏祈

皇上聖鑒訓示謹

奏嘉慶五年五月初十日奉

硃批卽有旨欽此又於吳老麻吳老瘦圖佔強虎汛附近民田於吳老麻吳老瘦名旁奉

硃又於生擒首犯吳老麻吳老瘦句旁奉

硃批好欽此又於督同文武員弁統率苗弁獲首犯吳流計夥犯吳老

三漢奸朱光明各名旁奉

硃又同日承准軍機大臣字寄湖廣總督姜晟湖南巡撫祖之望嘉慶

五年閏四月二十六日奉

上諭姜晟等奏三廳散苗間出搶掠節經擒獲分別懲治辦理一摺甚爲安速此次乾州鎮筸保靖三處匪苗強佔附近民田並阻耕奪牛傷斃民人實屬兇悍不馴副將阿林布於乾州麻裏灣苗匪滋事時卽帶領兵勇追捕斃斃匪苗八名並生擒首犯臬示甚屬奮勉著姜晟等查明阿林布如未曾賞過花翎著卽賞戴若已經得過花翎卽

奏明另行加恩其鎮寧保靖兩處苗匪亦經該鎮等上緊督辦於旬日之間將滋事首夥均各就獲亦屬能事著姜晟等查明在事出力文武員弁開單具奏交部議敘其傷斃兵勇著咨部議卹至三廳所屬地方苗人往往有越卡搶掠之案朕聞該處苗人向來不習耕種皆藉內地民人教之樹藝自此民苗雜處交易遂有盤剝苗人侵佔苗地之事從前乾州等處苗匪驅逐客民抗拒滋擾皆由於此嗣經官兵戡定所有附近三廳苗地彼時以七八成歸還苗人以二三成分給客民界址仍未劃清該處客民釀成事端後經官兵進剿則紛紛逃避及至殄平仍還故處多有搭棚在彼居住復思佔耕苗地者苗人又以該處本非民地不欲客民耕種每至生事此時若將棚民概行驅逐則無籍之徒一旦頓令失業未免難於安插然不將苗地清釐仍聽客民日漸侵佔則苗人又必乘隙搶奪均非綏靖苗疆之策姜晟久任湖南於辦理苗地情形素為熟諳著會同祖之望悉心詳議具奏總期苗人得以安業而棚民不致失所永絕爭端方為妥善將此諭令知之欽此

湖南苗匪中正表 卷三

會奏審明已獲匪苗分別首從辦理摺

嘉慶五年

湖南巡撫祖之望
湖廣提督王柄

奏為審明已獲匪苗分別首從辦理奏祈

聖鑒事竊照三廳搶掠苗犯節經擒獲懲創並飭委辰沅道鄭人慶馳

往會審現獲七里寨苗人吳流計等首夥各犯業經

臣姜晟恭摺奏

聞在案茲據該道會同鎮臣魁保提集各犯逐一嚴鞫係永綏苗人

吳流計因貧起意焚搶糾約附近苗人吳後三吳奉加吳記保梁

老添梁老六吳畱烏吳查後暨在吳後三家傭工之漢奸朱光明

等九人並脅逼吳岩保等十一人隨行於三月十四日夜潛至保

靖縣新寨地方放火燒斃民人田祖儒等八人搶得耕牛二十四隻吳岩保等俱各畏懼先回該犯吳流計等又於十六日夜在保靖籠多地方搶得舊衣物數件因民人先已知覺逃避未被焚掠卽經臣王柄據報會同綏靖鎮臣魁保督率文武員弁設法查拏責令苗弁將首夥吳流計等二十名及形跡可疑之苗人吳七兩等十七名一並縛獻今經集訊究悉前情臣等查苗匪吳流計首先起意焚掠傷斃多命實屬不法合依兇苗糾眾燒村劫殺爲首斬決例斬決梟示夥匪吳後三吳奉加吳記保梁老添梁老六吳畱烏吳查後漢奸朱光明等八名聽從劫掠或分頭放火或下手斃命均各依苗人下手殺人放火斬決例擬斬立決以上吳流計

等九犯核其情罪俱無可原卽經移行鎮道於審明押解赴犯事地方分別處斬梟示俾苗眾共知懲戒吳岩保十一名訊係被脅同行畏懼先回並未動手分贓合依苗人臨時脅從例枷號一箇月滿日飭交苗弁嚴加管束毋許再出滋事吳七兩等十七名或係舊犯鼠竊或係首夥親屬訊明實未隨同焚搶係苗弁因疑誤拿應免置議當據釋放被害民人先經捐資撫卹所搶牛隻衣物照價給領苗民現俱安救除各案在事出力文武員弁另行確查會奏外所有分別審辦緣由理合會同督臣姜晟合詞恭摺具奏並另繕具供單進呈

御覽伏祈

湖廣首附正考 卷三
皇上聖鑒謹

奏奉

上諭祖之望等奏審明已獲匪苗分別首夥辦理一摺已交刑部核議具奏矣至摺內稱此案在事出力文武員弁另行確查會奏而詳閱供單則首犯吳流計等係苗備弁擒獲何以摺內未據敘及該苗弁等既將匪犯擒拏自應加之獎賞豈可專將出力文武員弁查奏而轉遺苗弁之理所辦未免疏漏著祖之望等查明此次擒獻匪苗之苗弁係何姓名係何職銜並查從前獎賞出力苗弁如何加恩及現在應如何酌賞翎頂之處一並具奏曉諭苗弁以伊等能擒獻匪苗現經奏聞蒙

大皇帝深爲嘉許已令該撫查明加恩此後如有似此滋事匪苗該弁等卽當自行管束隨時查拏稟究自必仰邀

恩賞儻徇庇不辦以致苗匪復有焚搶不法之事亦必將該苗弁等治罪如此明白宣諭令其知感知懼認真彈壓庶可期苗疆永靖將此諭令知之欽此

會奏遵 旨廣宣 聖諭清釐民苗地界摺
嘉慶五年
湖南巡撫祖之望
湖南總督姜晟
湖南提督王柄

會奏遵 旨廣宣 聖諭清釐民苗地界摺 嘉慶五年

湖南巡撫祖之望
湖南總督姜晟
湖南提督王柄

奏為遵

旨廣宣

聖諭曉示苗弁並將清釐民苗地界情形及擒捕匪苗出力文武員弁及苗弁各職名恭摺覆奏仰祈

聖鑒事竊臣等於本年五月初十日接奉

上諭姜晟等奏三廳散苗閒出搶掠節經擒獲分別懲辦一摺辦理甚為妥速此次乾州鎮算保靖三處匪苗強佔附近居民田土並阻耕奪牛傷斃民人實屬兇悍不馴副將阿林布於乾州麻里灣苗匪滋

事時卽帶領兵勇追捕殲斃苗匪八名並生擒首犯梟示甚屬奮勉著姜晟等查明阿林布如未曾賞過花翎著卽賞戴若已經得過花翎卽奏明另行加恩其鎮筸保靖兩處苗匪亦經該鎮等上緊督辦於旬日之間將滋事首夥均各就獲亦屬能事著姜晟查明在事出力文武員弁開單具奏交部議敘其傷斃兵勇著咨部議卹至三廳所屬苗人往往有越卡搶奪之案朕聞該處苗人向來不習耕種皆藉內地民人教之樹藝自此民苗雜處交易遂有盤剝苗人侵佔苗地之事從前乾州等處苗匪驅逐客民抗拒滋擾皆由於此嗣經官兵戡定所有附近三廳苗地彼時以七八成歸還苗人以二三分給客民仍劃清界址該處客民釀成事端後經官兵進剿則紛紛逃

避及至殄平仍還故處多有搭棚在彼居住復思佔耕苗地者苗人又以該處本非民地不欲客民耕種每至生事此時若將棚民概行驅逐則無籍之徒一旦頓令失業未免難於安插然不將苗地清釐仍聽客民日漸侵佔則苗人又必乘隙搶掠均非綏靖苗疆之策姜晟久在湖南於辦理苗地情形素爲熟諳著會同祖之望悉心詳議具奏總期苗人得以安業而棚民不致失所永絕爭端方爲妥善將此諭令知之欽此又於六月十三日接奉

諭旨祖之望等奏審明已獲匪苗分別首夥辦理一摺已交刑部核擬具奏矣至摺內稱此案在事出力文武員弁另行確查會奏而詳閱供單則首犯吳流計等係苗備弁擒獲何以摺內未據敘及該苗弁

等既將匪犯擒拿自應加之獎賞豈可專將出力文武員弁查奏而轉遺苗弁之理所辦未免疏漏著祖之望等查明此次擒獻匪苗之苗弁係何姓名係何職銜並查從前獎賞出力苗弁如何加恩及現在應如何酌賞翎頂之處一並具奏曉諭苗弁以伊等能擒獻匪苗現經奏聞蒙

大皇帝深爲嘉許已令該撫查明加恩此後如有似此滋事匪苗該弁等卽當自行管束隨時查拿稟究自必仰邀恩賞儻徇庇不辦以致苗匪復有焚搶不法之事亦必將該苗弁等治罪如此明白宣諭使其知感知懼認真彈壓庶可期苗疆永靖將此諭令知之欽此_臣等跪讀之下仰見我

皇上恩錄微勞德周丕冒務使民苗並生並育官兵知勸知懲以期永靖岩疆同登樂利_臣等實深欽感之至當卽欽遵行知鎮道分別宣示確查去後茲據覆稱保靖縣新寨籠多地方被永綏七里匪苗偷越焚搶一案經鎮_臣魁保會同該廳同知王廷瑛派兵欲行進寨擒拿苗備龍八月苗舉人楊紹武苗目吳現生吳老義吳隆記吳雙喬保靖縣苗外委吳高尙苗目梁岩二等稟懇酌派土塘苗兵交伊等帶往情願緝拿送究請將官兵於山梁駐劄助其聲勢_臣王柄就近會同鎮_臣魁保親往督辦該廳文武隨率兵前至長潭排首等賊寨左右山梁分駐令綏靖中營把總李可仲督同該苗備龍八月等率領土兵徑進長潭排首等寨縛獲吳流計等

三十六名解案該同知王廷瑛當卽捐備銀兩分賞苗弁及土兵等具領在案茲又遵照傳集苗備龍八月等宣示欽奉

聖諭卽爲講說並以此通諭各廳寨大小苗弁咸使周知各苗弁等跪聽之下同仰

聖德如天伏地叩頭不已察其情形甚爲感畏三廳民苗交涉之地查明乾州廳屬自嘉慶二年戡定後照依奏定章程由二礮臺起至喜鵲營止民地歸苗均已劃分清楚其從前民佔苗地均已一律退還客民全行撤出安爲安插現無客民侵佔苗地之事鳳凰廳屬邊界二百餘里最爲遼遠叢雜今該廳文武傳同苗弁將民苗界址逐一劃分中營暨上前營一帶以烏草河爲界下前營暨右

營一帶以山溪爲界外爲苗地內爲民地所有民人前在苗寨墾買地畝盡歸苗人其下前營之木里關畚坪龍井司門前等處地畝向係民人完糧因在山溪以外且早紮有苗寨不便前往並將山溪及烏草河以內田地之附近苗寨者亦均佃給良苗耕種交租又烏草河以內閒有民苗地界犬牙交錯之處亦將苗地逐細劃歸苗人耕管現在實無客民在苗地搭棚居住分種苗地之事該廳民人向住苗地陸續招回原住內地者均爲修砌堡堡搭蓋房屋給與農具籽種各復原業其無業可歸者或令在附近城關傭工或佃種均出民田壯健者挑爲鄉勇給鹽糧分交防邊員弁督領防禦均各得所惟永綏廳屬民苗產業原無確切界址向俱

零星閒雜若逐段劃分民苗混雜易啟爭端該廳會同營員傳集苗弁將應給民人二成田地積算成數整段劃出俾有此疆彼界易於管理稽查現在已分得田地計可收稻穀雜糧八千餘運每運計穀一石二斗第地少人眾尙虞不敷分給現在設法妥為安置總核三廳苗情鳳凰廳前右二營各寨最為狡悍乾州亦惟接近鳳界時防闌入永綏廳一線礪卡孤懸苗巢幸苗情較鳳屬稍馴惟苗人貪狡性成每於黑夜乘閒覬覦搶掠亦不盡由爭地苗弁中良莠不齊亦每藉事邀賞計惟凜遵

聖諭一視同仁開示威信俾其知感知畏漸臻馴服

臣等荷蒙

皇上天恩畀以封圻重任惟有同心協力妥為經理以冀稍盡職守仰

答

高深

臣一俟秋闈事畢即親詣該處會同王柄確勘情形與姜晟

熟籌妥辦再行據實會核具奏恭請

訓示至苗疆文武員弁防捕匪苗本屬分內應辦之事仰沐

鴻施逾格令臣等開送職名交部議敘該員弁等聞

命叩頭倍深感奮遵查三廳文武各有撫馭專責皆知奮勉此內鳳凰

廳同知傅鼐乾州協副將阿林布辦事尤為勇往妥協熟悉苗情

均最為苗疆得力之員阿林布於乾隆六十年攻克黃瓜寨案內

奉

旨賞給法克津巴圖魯名號例戴花翎傅鼐嘉慶四年拿獲吳陳受案

內奉

旨賞加知府銜遇缺即補因附近各府缺均不專管苗疆現在三廳同知三年俸滿加知府銜畱任再滿三年以知府陞用等因今鳳凰廳同知傅鼐乾州廳同知閻廣居永綏廳同知王廷瑛均由知縣題陞今職皆因係苗疆熟手正值經理善後吃緊之時臣等未經給咨送部引

見除傅鼐仰邀

特旨加知府銜遇缺即補外王廷瑛於乾隆六十年三月內奏陞同知是年八月內到任已逾三年閻廣居於嘉慶三年八月內到任是年十一月內題陞將及二年同一題陞人員該員等因邊缺緊要

未能如期引

見以致未得計限論俸較之腹地陞轉人員未免偏枯臣等往返札

商合無仰懇

皇上格外天恩請將遇缺即補之傅鼐先照知府銜食俸俟有苗疆道

員缺出再予陞轉閻廣居王廷瑛二員即請以奉

旨陞調之日作為食俸計限俟苗疆諸事辦理就緒再行補送引

見如蒙

俞允是現任要缺既無須更易生手該員等益加感激圖報臣等亦得

收指臂之助矣再查永綏苗守備龍八月前經邀

恩賞戴藍翎苗舉人楊紹武亦俱蒙賞給頂戴此次業經該廳捐賞銀

二百兩俾其分用示獎查核向來獎勵苗弁成案均係隨時量功

奏
聞酌賞翎頂銀兩緞疋荷包不等今該苗弁等得有翎頂自無庸再加陞賞其應如何酌量加賞之處謹開列該苗弁等職名同三廳出力文武員弁各職名分繕清單敬呈

御覽恭候

欽定_臣等謹合詞具奏伏乞

皇上聖鑒訓示謹

奏

奏勦辦右營曬金塘黑苗吳老包等摺_{嘉慶五年}

_{鎮守}富志那

奏為截擊滋事黑苗乘勝勦首夥業已獲辦羣苗畏服地方安謐恭摺具奏仰祈

聖鑒事竊鎮守右營曬金塘黑苗最為兇悍節年肆擾雖經隨時查辦總未帖然上年拿辦吳陳受案內曾與陞任撫_臣姜晟會奏在案今歲夏秋雨澤稍稀苗地收成歉薄曬金塘寨苗吳老包吳尙保為首借乏食為名與興隆寨杉木寨坨里共四寨匪苗勾結附近窮苗多人自六月中旬以來屢至沿邊偷搶民田稻穀並零星潛赴瀘麻民村搶竊_{奴才}與辰沅道鄭人慶先期駐劄右營地方督

飭嚴防追擒擊退並令苗弁剴切開導設法解散以期歸於鎮靜
乃該匪等毫無顧忌突於七月十六日亥刻糾聚匪黨分作數股
徑撲龍滾溪一帶礮卡奴才與該道督率廳員及防汛將備等抽
集兵勇併力堵禦直至十七日卯刻匪苗多有傷斃不能衝突始
漸退散詎有另股匪徒乘隙潛由別路竄入奴才一經得信卽與
該道派令知府銜鳳凰廳同知傅甯鎮標中營遊擊陞任宜章營
參將王文選右營遊擊施連科各帶弁兵鄉勇躡跡跟追十八日
追至瀘溪境內都用地方該匪等二百餘名已將該處都用新田
民村焚搶斃民人男婦四十一名口擄掠婦女五口耕牛二十
四隻衣服等項繞道而逸該同知等跟蹤緊追是日戌刻趕至狗

爬岩見該匪等正在擁賊奔走當卽上前奮擊傷斃多名將所掠
牛隻婦女衣物全行奪獲匪眾潰奔該同知等由狗爬岩冒州分
路尾追十九日寅刻追至沿邊奴才與該道及苗防遊擊李如喬
守備藍枝鳳等督令卡隘兵勇堵截擊斃匪苗數十名有該寨匪
黨於沿邊接應匪徒得以捨命衝出查曬金塘等寨相近沿邊恃
其地險人多屢屢竊擾今竟敢糾眾明目張膽衝入內地肆其荼
毒深堪痛恨斷難稍事姑容必須掃穴擒渠以振邊威而彰

國

憲當令同知傅甯參將王文選遊擊施連科帶領兵勇乘勝直入

苗寨抄圍前面

奴才

督兵撲入從後合圍將四寨縱火焚燒痛加

勦殺砍獲首級七十三箇割得耳記九十六隻生擒匪犯吳化保

月百首

征服上

三

三

吳老龍吳五金龍老旺吳二古吳添保龍老聽吳老耳八名首惡
吳老保被參將王文選帶兵擒獲吳尙保招呼匪黨抗拒被同知
傅勳遊擊施連科督兵撲拿中鎗斃命割取首級餘眾向苗寨深
處奔逃未便突入窮追當於辰刻撤回兵勇因探得內地尙有擊
散藏匿之零苗又派該同知並將備等分路搜山先後殺斃匪
九名生擒龍隆貴一名奴才會同該道訊據吳老包等供認實因
乾早歉收遂借乏食爲名邀約出搶等情不諱該匪等因拒捕身
帶重傷恐其倖逃顯戮俱於訊明後正法梟示訖旋據苗弁龍老
傘等稟稱有曬金塘苗目吳滿兒等向弁再三哀求據稱該寨匪
徒無知滋鬧今已多被勦殺伊等孽由自作我們實在畏懼不敢

多事只求代爲乞恩免死弁等細查各寨匪苗被焚殺者實有二
百餘名餘苗真知畏懼此後自聽弁等管束願出結具保亦求施
恩等情伏念匪徒怙惡不悛實屬罪無可追但各寨之中良莠不
齊今首夥各匪均已授首餘人既知悔懼自應上體

聖主好生之德施以威後之恩使知畏而知感以仰副我

皇上控馭苗疆寬嚴互濟之至意當令苗弁帶領該苗目等到案面加
曉諭准其回寨已逐戶妥爲安插此番勦辦凡遠近各寨均皆聞
風儆懼現今邊隅情形極爲安謐堪以上慰

聖廑

奴才仍飭各汛防礮卡照常嚴爲防範不使稍有疏忽如果各寨
從此斂戢自可永遠相安儻再有糾眾之事奴才惟有恪遵

聖訓有犯必辦不敢稍存畏懦之念所有被害民村經該道妥爲撫恤奪回婦女牛隻衣物等項均已給領此次陣亡兵丁五名鄉勇六名帶傷兵勇十餘名除造冊由督臣衙門照例咨部查辦外所有辦理緣由理合恭摺具奏伏祈

皇上聖鑒訓示謹

奏奉

硃批所辦好卽有旨欽此並於摺內曬金塘寨苗吳老包吳尙保姓名句旁奉

硃又於督兵撲入從後合圍句旁奉

硃批好又於首惡吳老包吳尙保姓名句旁奉

硃又又於參將王文選同知傅鼐遊擊施連科姓名旁各奉硃圈欽此八月十六日內閣奉

上諭鎮守總兵富志那奏曬金塘寨黑苗吳老包吳尙保因歉收乏食勾結匪苗出擾都用新田民村焚搶掠食經富志那督令官兵奮力截擊直入苗寨首夥俱已殲擒等語曬金塘苗匪乏食出擾民村肆行焚搶富志那乘苗匪外出寨內無備直前圍剿斬獲多名殲擒首夥羣苗咸知畏服情願出結具保懇求施恩現今邊隅情形極爲靜謐所辦尙好富志那著交部議敘參將王文選先將首惡吳老包擒獲而吳尙保招呼匪黨抗拒亦被同知傅鼐遊擊施連科殲斃並將焚掠匪苗截住歸路大加勦殺均爲出力著將王文選傅鼐施連

科一體交部議敘以示獎勵摺並發欽此同日又奉

上諭富志那奏截擊曬金塘滋事黑苗殲擒首夥一摺並王柄奏報相
同已降旨將富志那及出力之文武各員交部議敘矣該處黑苗因
乏食出擾民村肆行焚搶其首夥各犯已就殲擒王柄現前赴鎮算
到彼後可會同富志那等將防範事宜妥爲料理其被擾民戶並著
祖之望等飭屬詳查妥爲安撫毋致失所所有傷亡兵勇俱著咨部
賜卹前此通恩到京陛見曾經奏明擬將該處防守兵丁於今冬陸
續撤歸原伍今曬金塘黑苗有糾夥焚搶之事雖經官兵懲創羣苗
畏懼而地近苗疆防守亦關緊要其原設防兵應否卽撤回或尙需
暫行畱防之處並著祖之望會同該提鎮悉心籌辦總以綏靖地方

爲要不可存惜費之見將此由三百里諭令知之欽此

奏鎮筸右營苗匪竄出焚掠痛加殲勦苗境甯謐嘉慶五年

湖南巡撫祖之望

奏為鎮筸右營匪苗竄出焚掠痛加殲戮現在苗境安謐恭摺奏

聞事竊臣於八月初六日監臨鄉試入關初十日放牌時接據辰沅

道鄭人慶鳳凰廳同知傅鼐等初三日來稟內稱七月十六日有

鎮筸右營曬金塘黑苗吳老包吳尙保以苗地歉收為名勾結興

隆杉木坨里共四寨匪苗偷撲龍滾溪一帶礮卡抽集兵勇並力

堵禦至十七日始退另有匪苗潛由別路竄入內地又經鎮道派

令傅鼐會同營員各帶兵勇躡跡跟追十八日追至瀘溪境內該

匪苗等二百餘人已將都用新田二村焚搶戕斃民人男婦四十

一名口擄掠婦女五口並耕牛衣物等項而逃官兵追及將婦女
贓物奪回匪眾潰散十九日寅刻追至沿邊傳第與鎮道等會合
擊斃匪苗數十名有該寨匪黨接應餘匪得以衝出鎮道當與傳
第並各營員弁帶兵直入四寨縱火焚燬痛加勦殺三百餘名砍
獲首級七十三顆割得耳記九十隻生擒首惡吳老保暨夥匪吳
化保吳老隴吳五斤吳老旺吳二古吳添保龍老聰吳老耳龍際
貴等十名助惡之吳尙保中鎗斃命割取首級並於搜山時殺斃
匪苗九名當提現獲各犯嚴訊據各供認實係吳老包藉歉收爲
由邀約搶劫不諱俱於訊供後正法梟示旋據苗弁龍老傘等稟
稱有曬金塘苗目吳滿兒向弁哀求餘苗知懼乞恩免死等情

查三廳苗性惟鳳凰廳前右二營最爲兇悍於入聞之先接據
辰州府知府李大霽通判周士拔瀘溪縣知縣黃炳奎先後稟報
七月十八日有匪苗二百餘人在縣境都用新田二村焚搶以
瀘溪附近各苗寨素常安靜唐冲苗人尤爲效順出力卽意料必
係鳳屬匪苗逸出當卽飛檄飭令該道會同將備迅速查明擒捕
並因同知傅第熟悉苗情復飭該員無分畛域一體妥爲緝辦並
咨會提王柄在案茲據報果係該廳匪苗滋擾既經鎮富志
那會同道廳等痛加勦戮遠近知儆苗弁龍老傘等復同苗目代
爲乞恩免死自宜靜鎮安撫俾益畏懷現准提王柄札知得信
後已專遣將弁前往會辦茲於初三日親赴撫綏又飛札提

湖南苗匪中政考 卷三
會同鎮道傳集鄰近各苗弁宣示

天威

聖德使知有犯必懲革心卽有各安本業倍增靜謐再本年鳳凰廳早稻收成計八分有餘惟六月間雨澤少稀至七月中旬甘霖屢沛中晚二稻實有七分有餘臣查苗疆自戡定後每屆秋收匪苗乘閒搶奪已非一次今吳老包等所稱苗地歉收明係糾眾以爲搶竊之端現在嚴飭道廳等時加防範勿令復出滋事以靜邊圉所有都用新田二村被難民人先據瀘溪縣稟報約計賞給被焚瓦草房屋並男婦大小兩月口糧需銀五六百兩當經札飭不拘何項先行動支撫恤陣亡及帶傷兵勇查明咨部議卹再此次鎮尊

匪苗係由何路漏越守卡兵勇未能預防現已咨會提鎮會同道廳查明處治以示懲儆合將鎮尊匪苗出擾瀘溪業經鎮道廳勦辦現在平靜緣由繕摺附驛具奏仰紓

宸廑伏乞

皇上聖鑒謹

奏嘉慶五年九月初七日奉到

硃批此事疊據提鎮二臣奏報已有諭旨若有成災之處卽行具奏撫恤再守卡兵勇此時不能全裁陸續撤回方妥遵行前旨妥協辦理可也特諭欽此又於此次鎮尊匪苗係由何路漏越守卡兵勇未能預防現亦咨會提鎮會同道廳查明處治句旁奉

硃批甚是欽此

湖南苗匪正法 卷三
湖南苗匪正法 卷三
湖南苗匪正法 卷三
湖南苗匪正法 卷三
湖南苗匪正法 卷三
湖南苗匪正法 卷三
湖南苗匪正法 卷三
湖南苗匪正法 卷三
湖南苗匪正法 卷三
湖南苗匪正法 卷三

部覆前案議敘

嘉慶五年十月准咨

兵部議得內閣抄出嘉慶五年八月十六日奉

上諭鎮守總兵富志那奏曬金塘黑苗吳老包吳尙保因歉收乏食勾結匪苗出擾都用新田民村焚搶掠食經富志那督令官兵奮力截擊直入苗寨首夥俱已殲擒等語曬金塘苗匪乏食出擾民村肆行焚搶富志那乘苗匪外出寨內無備直前圍剿斬獲多名殲擒首夥羣苗咸知畏服情願出結具保懇求施恩現今邊隅情形極為靜謐所辦尙好富志那交部議敘參將王文選先將首惡吳老包擒獲而吳尙保招呼匪黨抗拒亦被同知傅鼐遊擊施連科殲斃並將焚掠匪苗截住歸路大加勦殺均爲出力著將王文選傅鼐施連科一體

交部議敘以示獎勵欽此欽遵抄出到部除先行恭錄

上諭行文總兵富志那等欽遵外查湖南曬金塘寨黑苗吳保兒等出擾民村肆行焚掠經總兵富志那乘苗外出寨內無備直前圍剿斬獲苗夥多名邊隅靜謐欽奉

上諭交部議敘臣等酌議請將湖南鎮筵總兵富志那照一等軍功例給予軍功加一級軍功紀錄二次至參將王文選先將首惡吳老包擒獲同知傅鼐遊擊施連科殲斃吳尙保並截住匪苗大加剿殺奉

旨一體交部議敘請將參將王文選同知傅鼐遊擊施連科均照二等軍功例各給與軍功加一級軍功紀錄一次等因嘉慶五年九月

三十日題十月初二日奉

旨富志那著軍功加一級軍功紀錄二次餘依議欽此

